

論

語

稽

論語稽

遵義宦懋庸伯銘學

男應清誨之校註

後學黃國王莫中文教
金刑于漸遠百宜參校

季氏稽第十六

季氏將伐顓臾冉有季路見於孔子曰季氏將有事於顓臾 子曰

顓臾宓犧之後風姓之國春秋僖二十一年左傳任宿須句顓臾風姓也實司太皞與有濟之祀註
太皞伏羲也四國伏羲之後又左傳成風杜以為忘國女則姪亦風姓也 本魯之附

庸周制國不五十里者不達於天子
其朝貢皆附於諸侯故曰附庸 當時臣屬魯季氏貪其地欲滅而有之冉有與季路為季氏

臣來告孔氏也 孔子曰求無乃爾是過與 孔子曰冉求為季氏宰相其室為之

聚斂故孔子獨疑求教也夫顓臾昔者先王以為東蒙主 孔子曰使主祭蒙山

禹貢有二蒙徐州之蒙羽其巔東蒙也梁州之蒙蒙巔平西蒙也東蒙即嶧所云奄有龜蒙也元和郡縣志乃分東蒙為二嶧在沂州費縣西北八十里者蒙山在費縣西北七十五里者為東蒙山相距僅五里而不知徐州之蒙山只是一山故漢地理志於蒙

論語精

季氏精第十六

陰謀下註曰為賈蒙山在西南有輯讓與國在此山下而曰東者別於梁州之西而南言之耳 且

在邦域之中矣 孔曰魯七百里之邦 江永曰邦

千戈於邦內爾 顓臾為附庸在其域中是社稷之臣也 孔曰已屬魯為社稷之臣何

以伐為 孔曰何用滅之為冉有曰夫子欲之吾二臣者皆不欲也 孔曰

歸咎於季氏 孔子曰求周任有言曰陳力就列不能者止 馬曰周任

古之良史 周任商之太史也或曰即遂任左傳傳引其言一見經六年曰為國者見惡如農夫之務去草焉及夷儀崇之

可敬也皆 言當陳其才力度已所任以就其位不能則當止 濟按陳列二句是周任語危而不

不持顛而不扶則將焉用彼相矣 包曰言輔相人者當能持危扶顛若不

能何用相為 且爾言過矣虎兕出於柙龜玉毀於櫝中是誰之過與

馬曰柙檻也積權也失毀非典守者之過耶冉有曰今夫顓臾固而近於費

馬曰固謂城郭完堅兵甲利也費季氏之邑也 今不取後世必為子孫憂 皇疏

季氏之子孫也 孔子曰求君子疾夫 孔曰疾如汝之言也 黃式三曰孔讀此為句夫費彼

舍曰欲 也凡歷傳言若夫費若彼也

之而必爲之辭孔曰舍其貪利之說而更作他辭是所疾丘也聞有國有家者不患寡而患不均孔曰國諸侯也家卿大夫也不患土地人民之寡少患政治之不均平不患貧而患不安孔曰憂不能安民耳民安則國富蓋均無貧和無寡安無傾包曰政教均平則不患貧矣上下和同不患寡矣小大安寧不傾危矣夫如是故遠人不服則修文德以來之既來之則安之今由與求也相夫子遠人不服而不能來也邦分崩離析而不能守也孔曰民有異心曰分欲去曰崩不可會聚曰離析而謀動干戈於邦內孔曰干楯也戈戟也吾恐季孫之憂不在顓臾而在蕭牆之內也鄭曰蕭之言蕭蕭牆屏也君臣相見之禮至屏而加蕭敬焉是以謂之蕭牆後季氏之家臣陽虎果囚桓子也鄭謂伐顓臾在昭五年分公室之後故引陽虎定公時事證之請按今致伐顓臾實季康子平鄭說也

朱註

李氏至顓臾

顓臾國名

內有至顓臾

按左傳史記二子仕季氏不同時此云爾者疑子路嘗從

孔子自衛返魯再仕季氏不久而復之衛也孔子至冉求尤用事故獨責之夫顯與社稷

猶云公家是時四分魯國季氏取其二孟孫叔孫各取其一春秋傳昭五年季孫舍中軍公

其一及其舍之也四分公室季氏擇二二子各一魯職征之而貢於公按此即哀公也不足用之故蓋三家各自以助法取之民而以貢法貢之公也獨附庸之國尚為公臣季氏又欲

取以自益故孔子言顯與乃先王封國則不可伐在邦域中則不必伐是社稷臣則

非季氏所當伐也冉有至夫子指季孫冉有實與謀以夫子非之故歸咎於季氏孔子至

陳布也列位也相替者之相也言二子不欲則當諫諫而不聽則當去也且爾至兕野

牛也言在柳而逸在櫝而毀典守者不得辭其責正義曰虎兕皆獸名兕似牛郭註一角黃色重千

掌固游之獸禁牧百獸註養獸以安樂視之然者其養術也安養與藩同藩術即此所云柳也柳謂守衛能人掌之玉謂命主

典瑞掌之玉鹿環象曰揚虎外環是出柳也伐顯與於郭城是毀之柳中也張鷟曰出柳墮兵指用於外毀於櫝中啜仁義廟

於內黃式三口虎兕象季氏冉有至固謂城郭完固費季氏之私邑閻若據曰顯與去伐七十里故曰近與

於內黃式三口虎兕象季氏冉有至欲之謂貪其利斥也至寡謂民少貧謂財乏均謂各得其分安謂上下相

安季氏欲取顯與患寡與貧耳然是時季氏據國而魯君無民則不均矣君弱臣強

互生嫌隙則不安矣均則不患於貧而和和則不患於寡而安安則不相疑忌而無

傾覆之患夫如是至安之內治脩然後遠人服有不服則修文德以來之亦不當動兵於遠

守也今由至子路雖不與謀而素不能輔之以義亦不得為無罪故并責之遠人謂顛與文徐

長以為顛與在邦城中是社稷也曰近於費曰邦內則非遠人也又曰今不取後世必為子孫憂則非不取也當以遠夷除戎

常之閱若或以為指邾人蓋哀元年冬二年春三年冬六年冬七年秋皆伐邾故也邾距魯雖七十六里然為敵國則遠人矣

自為一國宜從宋莊也分崩離析謂四分公室家臣屢叛而謀至不均不和內變將作其後哀

公果欲以越伐魯而去季氏春秋傳哀二十七年耶愚按伐顛與事春秋不書蓋因夫子之言而止也詩按集註引洪氏曰二子仕季氏凡季氏所欲

亦多矣此事不見經傳其以夫子之言而止致禮雖城曰哀十一年左傳季孫欲以田賦使冉有訪於仲尼仲尼曰君子之

行也度於禮施取其厚舉其中飲從其薄如是則以師亦足矣若不度於禮而貪買無厭則雖以田賦將又不足且子季

孫若欲行而法則周公之典在若欲苟而行又何訪焉弗聽而明年春即書用田賦則顛與之以左傳韓非子及

伐倘非因夫子之言而止春秋亦必書矣又按此當與為長府事因閔子之言而止者同一例毛奇齡曰哀十四年小邾射以句

辭是夫子反魯後子路再仕季氏之證韓非子季孫和得子路為郕令魯以五月起衆為長溝了路挾粟而發之孔子使子

七年孔子自楚返衛後政得見世家裕及先進為政事冉有下註而子路再仕季氏則在哀十一年從孔子返衛後而欲伐
 與者則康子季孫更也又公羊載子路死衛於獲麟之年則哀十四年也賈書記之於哀十五年是二子於哀十一二三
 年實同仕季氏十四五年子路始去而仕衛也潘維城曰此不必求諸他經即下文
 今由與求也相夫子之文觀之即由求并仕季氏之証此尤事理之至易明者也 子路未見用事而冉有則

既為煠飲之計又為益地之謀故其言愈辯而夫子愈責之又示以均安之道警

以蕭牆之禍

鄭注蕭牆為屏風者蕭也維類謂天子外屏諸侯內屏大夫以櫺士以幘則蕭牆非季氏所當有此蓋
 廟屏蕭者取蕭取蕭之蕭乃孔子按神怒以諷季氏也周秉中方觀旭并蕭蕭蕭指魯哀公按蕭牆乃

屏風之列名當時列國異稱詩之价人維濟大師維垣大邦維屏大宗維翰論語之樹牆門荀子
 之容皆其類也特自天子至士其物不同其所設之地亦不同耳此但言內變不必泥以解之

而顛與之伐卒

以此止則聖人之言所補救者大矣清按有國有家者今宜訓有治國家事之責

任者均無貧即今日民生社會主義之意由是而和而安則天下大同矣

孔子曰天下有道則禮樂征伐自天子出天下無道則禮樂征伐

自諸侯出自諸侯出蓋十世希不失矣孔子曰希少也周幽王為犬戎所弑

平王東遷周始微弱諸侯自作禮樂專行征伐始於隱公

按惠公請禘周公於太廟歌雍以徹
 則禮樂自惠公已僭之始隱公夫 至

昭公十世死乾侯鄭曰亦謂幽王之後也平王東遷政始微弱諸侯始專征伐自大

夫出五世希不失矣 孔曰季文子初得政 以前政在 成氏四世 至桓子五世為家臣陽虎所

因陪臣執國命三世希不失矣 馬曰陪重也謂家臣也陽氏為季氏家臣至

虎三世而出奔齊天下有道則政不在大夫 孔曰制之由君也天下有道

則庶人不議 孔曰無所非議

朱註 孔子至 不失矣 先王之制諸侯不得變禮樂專征伐 王制變禮易樂者為不從不從者皆流諸 侯必賜之弓矢然後征賜之貝幣然後殺 道理愈

甚其失愈速大約世數不過如此 天下至 大夫 言不得專政 天下至 不讓 上無失政則下無私議非

箝其口使不敢言也

愚按禮樂征伐天子之事諸侯不得專者也 禮按中庸云非天子不議禮不制度自德無位不敢作 禮樂天子征者上伐下也敵國不相征也禮王者功成

作樂治定制禮自虎通諸侯之義非天子之命不得動衆起兵誅不義者所以強幹弱枝按天子中諸侯也王制諸侯受賜 弓矢鉞鉞然後事征殺又曰賜圭璋然後為輔未賜圭璋則資輔於天子又曰天子賜諸侯樂則以視將之長諸侯必受命

天子乃有禮樂征伐之 權故曰自天子出也 春秋之世凡三變隱桓以下政在諸侯 吳昌宗曰周自烽火之變而禮樂崩 自狐忽之質而征伐壞犬戎之執說

詩之射天下無道之始也非十三年北合為始傳二十八年河陽為極五伯迭興天子守府此禮樂征伐自諸侯 出者也禮按第言禮樂則惠公請郊儀公用禘秦作雍時宋用桑林楚以地懸待節至晉文請隧之類皆是也 僖文

以下政在大夫

吳昌宗曰莊十九年公子結盟於宋文二年公孫敖會諸侯文八年仲遂與趙盾盟唯文十一年彭生與鄆至會承莒成十五年制離則大夫專會莊十六年讓梁則大夫獨盟禮樂不自大夫

出乎隱二年無駭入極四年會伐鄭莊二年公子慶父伐徐師傳十七年季孫滅項成二年四國戰而皆山登臺之笑襄十四年十三國伐秦而悉出大夫之手征伐不自大夫出乎襄十四年會伐鄭則貶而去族桓十一年采會

盟折亦貶而去族權猶不遜下移也莊二十九年大夫為齊宋之盟以伐鄭則諱不書公文二年垂隴之盟書上殺十五年以上軍下軍入蔡書節缺而大夫始專矣浸淫至成二年靈之戰書以四卿帥師而三家之勢強襄十六年復梁之盟行以

大夫主盟而無君之勞成濟按若第言禮樂則季氏舞佾歌雍賦定哀以下政在陪臣 馮景曰不言禮樂並伐文仲山節藻稅管仲鐘磬朱紘仲叔于奚曲縣繁纒以朝皆是也

者禮樂征伐必交乎四鄰而國命不出境陪臣執之云者猶強奴抗游主第相闕於門之內而已春秋之大夫交政於中國凡會盟之事皆與焉若陪臣雖稱兵據地甚至凶執其主而卒不得與於會春秋之法叛以地雖賤必書地以名其人然南

朔以費坂第書長弓帥師圍費陽虎叛第書盜竄實至大司侯犯以郟坂第書叔孫州仇仲孫何忌帥師逐驅不里莫谷不倍以地叛矣亦祇書季孫斯仲孫何忌帥師積費賂家臣也略之者絕之也又曰宋樂罷有陳更鄭習達有許瑕奔陳復有

陳自衛孔懷有渚良夫晉趙鞅有董安于魯仲孫有公斂處父而季孫亦有陽虎弗獲皆陪臣之執命者也 十世五世三世之失蓋約略言之 劉逢孫曰齊

桓公諸侯莫不皆惡桓公在位凡十世而陳氏專國桓自獻公修疆縣惠文而代齊以密其後襄成成景桓悼平昭頃亦十世而公族為強國所滅遂成三家分晉之勢魯自隱公併禮樂滅極至昭公出奔亦凡十世至於大夫之五世者不失者

獨絕於三桓而齊之陳氏晉之三家終以竊國蓋陳氏及韓趙魏皆公侯之子孫復其始故也若昭公三世希不失而向劉弗獲鬪虎皆及身失之者蓋夫子之言計其詞惡相速故稱三世也齊按劉說殊穿鑿所謂十世五世三世者乃大約如此

言權愈下移其失愈速約而計之不出十世五世三世鮮有不失者非必有一成不易之局也 又言天下有道大夫不專政庶人不議蓋傷今

思古之意也不議者不得非議之也 方觀旭曰讀禮則國政倚云私議則君上之得失庶人傳語正

二字兼凡民及齊徒之屬與夫家室宰而謂之凡民可以傳語府史得徒及家宰陪臣不當與謀國政左傳定姜曰舍大臣而與小臣謀一罪也鄭子國曰國大有命而有正卿童子言焉將為戮矣再有曰君子有遠慮小人何知者其殺也故曹邴論戰則魯大夫之已歸重人皆伯宗見晉卿大夫之無學鄙人論政而晉國亡皆無道之世庶人議政之驗也均可備一說

禮樂征伐不自統一政府出則不為列國之紛爭必為藩鎮之割據斷不能長治

久安也庶人不議者政府既治與論國民亦知大體無有可議者也又爾雅謂不為大可備一說

孔子曰祿之去公室五世矣 鄭曰言此之時定公之初也魯自東門襄仲殺

文公之子赤而立宣公 春秋傳文公二妃敬嬴生宣公敬嬴嬖而私事襄仲欲立之仲殺惡及視而立宣公故襄仲即東門遠惡即子赤也 於是政在大夫爵祿不

從君出至定公為五世政逮於大夫四世矣 鄭曰文子武子悼子平子也 按朱註謂季武

子始專國政暨悼平 子始專國政暨悼平 故夫三桓之子孫微矣 孔曰三桓者謂仲孫叔孫季孫三卿皆

出桓公故曰三桓仲孫改其氏稱孟氏至哀公皆衰也 家語孔子在陳問魯司馬及宗廟子曰其桓

親盡矣而功德不足以存其嗣而不致是以天災加焉三日得使至果桓僚廢也

朱註 孔子至 逮及也此以前章之說推之而知其當然也

愚按上章統論春秋之世此章專論魯也魯自宣公時季文子專國公室不得制

其爵祿而政在私家至孔子時魯君歷宣成襄昭定凡五世清按毛奇齡曰春秋昭二十三年左傳叔孫舍如宋宋樂祁曰

魯君必出政在季氏三世矣魯君喪政四公矣又三十二年公薨於乾侯史記曰季友有大功於魯受費以為上卿至於文

子武子世增其業魯文公薨而東門襄仲殺立應侯君於是乎失國政在季氏於此君也四公矣兩人所言皆曰四公上

自文公以後下迄昭終之年宣成襄昭凡四世其不及定公者樂祁史記言此皆在昭公時而夫子言此在定公時故也其

不及文者由昭公等而上之為宣公也故史記得世家云文公卒襄仲立宣公魯由此公室卑三桓強漢書食貨志亦云魯

自文公以後魯去公室政在大夫則此章五世其為宣成襄昭定鄭注陳清按毛奇季氏歷文武平桓凡四世清按毛奇

不可易或以為五世者文宣成襄昭蓋未即樂祁史記之言而思之也

謂政在季氏三世史記謂文子武子增業是蓋以季氏執政自文子始無武子平子三世其不及桓者以昭公時未有桓子

也孔註以文武悼平為四世則多悼而少桓朱註以武悼平桓為四世則知有桓而多悼少文兩皆失之不知武子之卒在

昭公七年是時悼子先武子卒而平子以孫繼祖而立悼子未為卿則政不遽之故四世當以文武平桓為斷清三桓

又按文子者季友之子於春秋文公六年見經桓子於哀三年卒則宣成襄昭定之世季氏正文武平桓四子也

三家然以別子為祖繼別為宗之義言之則季氏為大宗此當以季氏統叔孟而

言也清按毛奇齡曰桓公之子非公為君莊公母弟季友為季氏庶昆弟叔牙為叔氏庶父為孟氏又稱仲氏古身繼之

世創立宗法天子諸侯自為一宗天子諸侯之弟必更氏易族以別為之宗禮所謂諸侯不敢廢天子大夫不敢亂

諸侯者也是以一旦之弟必以同母者立為大宗無同母弟則以庶長為大宗大宗者宗子也百世不遷而諸弟各為小宗

小宗五世則遷桓公之子惟季氏為宗卿叔孟皆統於季氏三桓者以其族言之則三家皆是以大宗言之則即指季氏此

章上文言四世謂季氏也下文言三桓則以季氏統叔孟而言也清又按季文子名行父武子宿悼子紇平子意如桓子斯

時則叔氏自叔牙之子公孫茲傳其子得臣又傳倫如於宣五年立成十六年奔齊又傳穆叔豹昭子舍成子不敢至定五

年武叔州仇立自僞如盜州仇凡五世孟氏自髮父之子公孫敦傳文伯殺惠叔無難未為卿獻子茂於宣九年見經傳莊子述孝伯為位子體然子何忘至哀十三年卒自殘盜何忘凡五世今孔子言政遠大夫是專指季氏言之故曰四世也

微謂家臣屢叛也謂按是時季氏家臣陽虎弗慢為亂而仲孫氏亦有公欲處父叔孫氏亦有候死故曰三桓之子孫微也

孔子曰益者三友損者三友友直友諒友多聞益矣友便辟馬曰便辟巧避人所忌以求容媚者也友善柔馬曰面柔者也友便佞損矣鄭曰便佞也謂佞而辯也

朱註孔子至損矣友直則聞其過友諒則近於誠友多聞則近於明便習熟也使辟謂有威

儀而不直謂按廣文昭引公羊定四年傳儀云便辟謂巧為辟敬則辟讀為正義中馬註巧辟者辟與避同則辟讀為避或引高麗本解註皆作便辟又後漢書佞倖皆在親使妻皆各有義證然細審經文語氣宜從朱註為長

善柔謂工於媚悅而不諒正義曰爾雅釋訓說施爾柔也鄭義詩新義云或施爾柔以色下人也鄭此註云善柔

善柔謂口柔而柔體柔也謂按此亦宜從朱註為長便佞謂習於口語而無聞見之實正義曰爾雅諸語便佞辨也辨辯字通何休公羊註引此釋文云辨佞如字本亦作便佞疏云

辨佞辨為辨矣說文編便巧言也論語友便佞三者損益正相反也

愚按友者同志者也從兩又又古手字也一手不能獨舉而取助於兩取諸人以

輔己之義也學而篇母友不如己者蓋渾言之此章三益三損則分析言之也正義

引公羊定四年傳何休註朋友相衛云君臣言朋友者樹威本以朋友之道為子所復仇孔子曰益者三友云則三益三損皆指人君言之道者正言極諫者也諒者忠信不欺者也多聞者識政治之要者也便辟但為容媚而不直善柔但為而柔而不廉便佞但為口辯非有事聞亦與多聞相反清按此可備一說然君臣朋友皆以義合則君臣實與朋友同自後世貧君過甚比君於父故以何註為疑而曲為之解耳又黃式三曰便辟者習於盤旋退避之容一於中進是足恭也善柔焉註而柔是介色也便佞說文作偏佞鄭讀辯是巧言也

孔子曰益者三樂損者三樂樂節禮樂 何曰動靜得於禮樂之節也樂道人之善樂多賢友益矣樂驕樂孔曰恃尊貴以自恣樂佚游王曰佚游出入不知節樂宴樂損矣孔曰宴樂沈荒淫瀆也三者自損之道

朱註孔子至損矣 節謂辨其制度聲容之節驕樂則侈肆而不知節佚游則惰慢而惡聞善宴樂則淫溺而狎小人三者損益亦相反也

愚按上章損益就取諸人者言之此章損益則就在己者言之也

孔子曰侍於君子有三愆孔曰愆過也言未及之而言謂之躁鄭曰

躁不安靜也魯讀躁爲傲今從古言及之而不言謂之隱孔曰隱匿不盡情實也未見顏色而言謂之瞽周生烈曰未見君子顏色所趣向而便逆先言語者猶瞽者也

朱註

孔子至之瞽

君子有德位之通稱尹氏曰時然後言則無三者之過

愚按君子者成德之人可奉以爲師法者也幸而侍於君子正可以君子之言爲

法偶有疏忽則過矣曰躁曰隱曰瞽學者可不知所警哉

清按禮記曰說文無躁字有遠字疾也當即躁矣

言不及而言者傲也陳禮曰以所知傲人也荀子勸學篇未可與言而言謂之傲可與言而不言謂之隱不觀顏色而言謂之瞽韓詩外傳可與之言而不與之言謂之隱未可與言而言謂之瞽

孔子曰君子有三戒少之時血氣未定戒之在色及其壯也血氣方剛戒之在鬥及其老也血氣既衰戒之在得孔曰得貪得也

朱註

孔子至在得

血氣形之所恃以生者血陰而氣陽也隨時知戒以理勝之則不爲血氣

所使也

愚按人自少而壯而老其年不同其血氣之盛衰即不同而其用事而為病因亦有所不同知其病而隨時謹持之不以一時之失貽終身之羞庶幾全而受者全而歸矣君子者成德之名言其常以三者自戒也

請按據維城曰淮南子於言謂凡人之性少則猖狂壯則強暴老則好利云云亦先章之證

孔子曰君子有三畏畏天命何曰順吉逆凶天之命也畏大人鄭曰大人謂天子諸侯為政教者何曰大人即聖人與天地合其德者也畏聖人之言何曰深遠不可易知測聖人之言也小人不知天命而不畏也何曰恢疏故不知畏狎大人鄭曰狎慣忽之言慣見而忽也何曰直而不肆故狎之侮聖人之言何曰不可小知故侮之也

朱註孔子之言

畏者嚴憚之意天命者天所賦之正理也知其可畏則戒謹恐懼自有不能已者而付畀之重可以不失矣大人聖言皆天命之所當畏知畏天命則不得不畏之矣

小人至

侮戲玩也不知天命故不識義理而無所忌憚如此

愚按凡人動曰無所畏此無忌憚之小人也若君子則戒慎恐懼無往而不以兢

業持之此云三畏亦就其大綱而言耳

清按天命正義以為當兼德命祿命其之知己之命原於天則修其德命而仁義之道無或失安於祿命而吉凶禍福必修身

以俟之云為希冀者非委心任運者亦非也大人據士拓見禮與大人言嘗事君註大人卿大夫也禮運大人世及以為禮註大人講侯也昭十八年左傳閔子馬曰夫必多有是說而後及其大人大人患失而惑杜註在位者易乾九二利見大人荀爽云請天子見據尊位者又禮記在天大人造也荀爽亦謂大人禮法見於天位器人作而萬物視是其義也又華九五大人虎變未古有字焉陸註昭與周公然則大人蓋凡在上位者皆是也

孔子曰生而知之者上也學而知之者次也困而學之又其次也

子曰困謂有所不通也困而不學民斯為下矣

朱註

孔子至下矣

言人之氣質不同大約有此四等

愚按人之稟賦萬有不齊而要以能知為主蓋必知之而後能行之也其等雖有

上有次有又次及其知之一也惟困而不學則終於不知故曰斯為下矣

孔子曰君子有九思視思明聽思聰色思溫貌思恭言思忠事思

敬疑思問忿思難見得思義

朱註孔子至視無所蔽則明無不見聽無所壅則聰無不聞色見於面者貌舉身而言思問則疑不蓄思難則忿必懲思義則得不苟

愚按洪範五事貌言視聽思以之分配五行此章專指思字約計有九或思其正或思其反足以補洪範之義矣

孔子曰見善如不及見不善如探湯吾見其人矣吾聞其語矣孔子曰探湯喻去惡疾也 隱居以求其志行義以達其道吾聞其語矣未見其人也

朱註孔子至真知善惡而誠好惡之顏曾冉閔之徒蓋能之矣語蓋古語也隱居至求其志守其所達之道也達其道行其所求之志也蓋惟伊尹太公之流可以當之

愚按見者目之所見也善不善兼所見之人與事言之如不及唯恐其遠也如探湯唯恐其近也此二者誠身之學也志者心之所之道者人所當行之路隱則無

可自見而志必先定行則大道爲公而措之天下此二者天民之學也淑身之學

有志者可以自致而天民之任關乎時運故語皆可聞而其人見有未見也

齊景公有馬千駟死之日民無德而稱焉 孔曰千駟四千匹也 此據來馬書之一乘四匹

千乘則四千匹也 伯夷叔齊餓於首陽之下馬曰首陽山在河陽蒲版縣華山之北河曲

之中也民到於今稱之其斯之謂與 王曰此所謂以德爲稱者也

朱註 齊景至駟四馬也 賦不以富亦祇以異其斯之謂與 胡氏曰程子以爲第十二篇錯簡誠不以富亦祇

以異當在此章之首今詳文勢似當在此句之上言人之所稱不在於富而在於異

也愚謂此說近是而章首當有孔子曰字蓋闕文耳大抵此書後十篇多闕文

按何晏集解本無誠不以富二句朱子曰第十二篇移入此章今從何本

愚按千駟者公廐之馬也 陳道詳曰諸侯六閑衛文公之駟牝三千齊景公之千駟三千則近於天子十二閑之數而千駟又過之是皆僭侈而違禮者也國若遠引都敬說駟中之云千駟蓋指

公廐之畜於官者非國馬之散在民間者也周禮授人天子十有二閑良馬十閑二千一百六十四匹駟馬六閑千二百九十六匹共三千四百五十六匹除而諸侯六閑則千二百九十六匹皆所以給公用備賜予者也稍按若以千乘之國言之則

當時諸侯千乘者多矣不獨齊景而齊為大國其地且不止千乘此當如重耳適齊桓公稱之馬二十乘在末襄公亦稱之馬二十乘及陳文子有馬十乘之類皆公侯所畜之馬而言非千乘之國百乘之家之例也又說苑載魯公嘗我長數三千乘以左傳十家九縣長數九百之文言之其三千乘以田賦言即三千乘之國此有馬千乘非其知也

首陽在平陽近於河濟者也

山凡五所王伯厚考曾子

書以為在蒲坂齊郡者得之余謂莫微信於郭註然已兩說互存既云河北縣首山夷齊關關十三州志曰山亦名蒲坂山夷齊所食也山南有古塚陵柏樹然猶及邱阜俗謂之夷齊塚又云平縣故城有首陽山今在襄陽縣春秋所謂首陽也夷齊之歌所也上有夷齊之廟蓋莫能定指孰是遷離城曰漢書王吉傳願師古注伯夷歌登陵西山當以隨西為是東古錄云管子制言中篇夷齊居河濟之間莊子讓王篇夷齊北至於首陽之山遂餓而死首北至於首陽則首陽當在蒲坂

之北當首南枕大河不得言北也況論語言首陽之下是首陽二字乃山名非首山之陽也蒲坂當首山一名首山不名首陽則謂首陽在蒲坂者非也詩序風首陽之節首陽之下唐即首地皆始封在首陽即夏禹都陸渾黃在今平陽獻公居絳亦屬平陽為堯都又為黃帝之神所其地近河濟又在蒲坂之北與會于莊子所言會合意夷齊先隱河濟之間史記云武王東伐封夷齊叩馬而諫者在孟津之地孟津正當河濟間也史記又云武王平殷亂天下宗廟夷齊靡之隱於首陽山采薇而食遂餓死是武王克商後乃去河濟而北至首陽也然則首陽在今平陽無可疑矣

夷齊常餓於其下

山武王伐封夷齊叩武王馬諫曰為臣伐君豈

得忠乎積尸不葬豈得孝乎左右欲殺之太公曰是賢人也合扶去夷齊反首陽山其身不食周粟唯食草木而已後遂西令支縣粘家白張石虎在蒲坂采材謂夷齊曰汝不食周粟何食周草木夷齊聞言即遂不食七日餓死周國伯曰武王伐紂夷齊叩馬而諫不食周粟隱於首陽遂餓而死此史遷之言也明文衡山王直以此說為誣謂無諫武王伐殷隱首陽餓死事伯夷去封歸西伯在文之初年已稱天下大老文享國五十年又十三年而武伐紂時夷齊當百餘歲未必兄弟俱與太公奔年而尚存也存則何不早諫而何必道旁叩馬且以文所飲之大老左右欲殺之何武王竟無一言而唯太公一言而後扶去也遷作周紀云武王祭於畢東觀兵至孟津舉文王葬所也然則夷齊何為言父死不葬愛及干戈也孟子謂誅一夫紂未聞殺君然則夷齊何為言以臣弑君也武王弔民伐罪天下悅服而夷齊乃耻食其粟而餓死不與人情大相左乎史遷所據者采薇之歌耳此乃逸詩不知何人所作安知非戰國秦項時人作而遷何即指為夷齊耶故夷齊首陽之

誠當指逃孤而言論語只言餓不曰死夷齊讓而餓與齊景之食而富兩相形且齊景之兄莊公為崔杼所弑景不能討而食其位和夷齊兄弟相讓當愧矣與英曰此章言伯夷叔齊窮餓以對齊景之手耶耳不言其餓死也餓於首陽之下耳不必其死於首陽也孟子解以伯夷與柳下並言意者叔齊先死故周粟中曰王面夷齊十辨大意主於有國無國夷齊可以有國而辭國者也齊景食兄莊公之國德祿祿材而不思討者也然王氏謂讓伐餓死為無其事則莊子及呂氏春秋並載有夷齊事皆在史遷之前王氏何所見而必斷其無也清按此章但言餓於首陽之下不言死即夷齊之死不死不必論而太公既佐武伐紂則夷齊安知其不與太公並在而讓武伐紂也太公歸周而什國夷齊隱而不仕不仕故未早讓而臨時始叩馬耳左右欲兵之武王未及言因太公言而扶去之亦事理之常也誅一夫者弔民伐罪之義也私君者尊卑上下之辨各行其是未可主此而奴奴也惟祭異而云父死不葬史遷未免矛盾耳總之此不言死當以餓於首陽之下為斷兄弟讓國固以對齊景之食富讓武伐紂窮餓終隱亦以對齊景之食富不必指為無

斯指德而言言民之所稱

在德也

正義曰此章貴德也齊景雖有馬千駟及其死而無德可稱夷齊雖窮餓而到今稱之其稱何謂哉非其德之謂歟王註所謂以德為稱謂即稱也斯即德也黃式三曰蘇子由柳下惠論引上見善二節台此章為一義蔡

氏集說亦云當合為一章齊景知夫子之學而不能用善於下之言而不能行是見善如未見也田氏之不正嗣子之不定是見惡而猶嘗試之贊勸熱而探之也夷齊遠國以求志也扣馬而讓以達道也程淵以為有功理無荷按此亦可備一說

陳亢問於伯魚曰子亦有異聞乎 馬曰以為伯魚孔子之子所聞當有異

也對曰未也嘗獨立孔曰獨立謂孔子 鯉趨而過庭曰學詩乎對曰

未也不學詩無以言鯉退而學詩他日又獨立鯉趨而過庭曰學

禮乎對曰未也不學禮無以立鯉退而學禮聞斯二者陳亢退而

喜曰問一得二聞詩聞禮又聞君子之遠其子也

朱註陳亢主異詞乎

亢以私意窺聖人疑必陰厚其子

對曰至學時

事理通達而心氣和平故能言

他口至學禮

品節詳明而德性堅定故能立

陳亢至子也

尹氏曰孔子之教其子無異於門人故亢

以為遠其子

愚按此亢欲於素所聞之外別求一捷獲之術也

說本黃式三

亢問而伯魚稱對曰者記

者之失也

吳英曰亢非門人亦必弟子伯魚安得稱對曰此對字當是衍文因下有對曰未也之文而誤也請按此可從

夫子訓鯉以詩見陽貨篇

子謂伯魚為問南召南

訓以禮見大戴禮

勸學篇孔子曰鯉君子不可以不學見人不可以不學見人不可不學無親無親不致不致無禮無禮無以立及家語

致思鯉子謂伯魚曰鯉乎吾聞其

容禮不足親也其勇力不足信也其先祖不足稱也其族性不足道也終有大名顯聞四方流聲後裔豈非學之效乎故君子不可不學容不可不飾無親無親失親不忠不忠失禮失禮不立夫遠而有光者飾也近而愈明者學也體之

汚池水涼注焉依草生焉雖或以觀之孰知其源乎

伯魚之言蓋述其略也曰獨立者獨立時所聞如此其非獨立

時可知矣

邦君之妻君稱之曰夫人夫人自稱曰小童邦人稱之曰君夫人

稱諸異邦曰寡小君異邦人稱之亦曰君夫人孔曰小君周禮大宗伯之職曰小宗伯六卿皆然故

稱小者對介人稱少之意君夫人之稱也對異邦謙故曰寡小君當此之時諸侯嫡妾不正稱號不審

故孔子正言其禮也

朱註邦君至寡寡德謙辭夫人

愚按春秋時夫人之名不正久矣清按竹獻公以驪姬為夫人晉文獻班在九人而晉襄與先穆言曰夫人謀之齊桓之夫人三而內嬖如夫人者六人鄭文公有夫人芋氏江而魯尤其清按桓公之母稱仲子其時夫人之

氏宋平公納女棠左師見步馬者稱若夫人之馬曰濼為若夫人子胡弗知及左師受簡乃改命曰夫人忌婚以忌候之夫人而為之文夫人是春秋夫人之名不正多矣

稱未亂也自桓公之死由於文姜與公之死哀姜與知而夫人之道失矣然莊二十一年齊夫人姜氏薨於文姜無貶辭也位元年齊人殺哀姜而齊夫人姜氏薨于夷則變例矣然仍稱夫人仍書姜氏也十有二月齊夫人氏之薨至自齊公殺皆謂不善妾者貶之也然文姜與姜之葬皆書我小君是仍無貶辭矣何也蓋文姜與姜之葬皆書我小君是仍無貶辭矣何也蓋文姜與姜之葬皆書我小君是仍無貶辭矣何也

亦不得而貶之也文四年夫人風氏薨則成風也成風者信公之母莊公之妻以傳故而稱夫人則適妾之名素矣其葬亦書葬我小君皆禮之失也然文九年齊人來歸信公成風之櫬則異邦人不得而貶之也

襄仲殺惡及視立宣公宣八年齊夫人風氏薨又書葬我小君是又二夫人矣襄四年定初以成公之妻襄公之母齊夫人

謂氏從葬葬我小君亦以妾為夫人也以妾為夫人而葬我小君者君尊其母史臣不得而貶之也襄八年陸渚為季孫行父所幽於于東宮昭公則取于吳謂之吳孟孺子定十五年孺氏卒左氏曰不稱夫人不赴且不葬也公羊曰哀公母也

不稱夫人哀未為君也殺於曰妾辭也葬亦不書小君左氏曰不成喪也此皆魯夫人之見於春秋傳者也又按文姜與姜夫人之失道者也成風敬顯非邦君之妻而稱夫人者也成風則異邦歸櫬不稱若夫人矣孺氏則邦人亦不稱若夫人矣

皆此章之詞也 此章於君之稱夫人夫人之自稱與邦人異邦人之所稱各正其名其旨

微矣 潘維城曰曲禮公侯有夫人夫人自稱於天下曰老婦自稱於諸侯曰寡小君自稱於其君曰小童鄭註自稱於諸侯謂娶來朝諸侯之時小童若曰未成人也正義此諸侯謂他國君也古者諸侯相妻夫人亦出故得自稱也知者

坊記云陽侯綬綬侯竊其夫人故大嬖廢夫人之禮於此之前有夫人之法故註云謂娶來朝諸侯之時又云小童若未成人言無知也白虎通嫁娶篇國君之妻稱之曰夫人何明當扶進夫人謂非妾也國人尊之故稱君夫人也自稱小童者謙

也言己智德寡少如童蒙也論語曰國君之妻君稱之曰夫人夫人自稱曰小童國人稱之曰君夫人稱諸異邦曰寡小君謂將聞兄弟之國處越在他國稱之謙之辭也論語後傳曰古者生稱夫人死稱小君於諸侯則稱寡小君諱者以春秋

齊夫人定嬖卒葬我小君定嬖寡小君不祿是也研六室雜著曰此節惟小童句係夫人自稱餘皆屬他人稱謂之辭稱諸異邦亦是邦人稱之禮文條貫甚明禮稱君於他國曰寡君稱君之夫人於他國曰寡小君雜記夫人薨赴於他國曰寡小

君此禮證也聘禮夫人使下大夫棄歸禮註云致辭當稱寡小君又聘禮記君以社稷故在寡小君註云此實拜夫人聘享辭明寡小君是出下對他邦人之稱非夫人自稱也俗解因曲禮有自稱於諸侯曰寡小君之文遂指為夫人自稱然

則云寡小君不祿亦可為夫人自稱乎曲禮當屬記者之誤孔疏謂古者諸侯相妻夫人亦出故得自稱考之禮喪食主賓若有饋贊傳辭亦無夫人對他國君自稱之禮內宰凡賓客之禮獻嘉賓贊是其禮况論語無自字與記文本與考古者

當據論語以訂曲禮之非不當因曲禮而造論語之誤也四書考異強曲禮註疏謂大學之禮雖廢其文未盡刪於傳記當時乃有藉口以掩其私如文姜之棄齊侯者齊人既惡諸春秋又與門弟子議及於此論語所以有此章而與禮記不符合

故章首當有子曰字今謂文論語述何曰春秋正適委之名作子成風以天王太廟異邦正之不得稱夫人也則妾子為君皆繫於子君稱之曰母自稱曰先君之妾邦人稱之曰君母稱諸異邦曰寡君之母異邦人稱之亦曰君之母而已

論語精

季氏精第十六終

後學黃岡高鸞翔松軒校字

論語稽

遵義宦懋庸伯銘學

男應清誨之校註

後學 黃岡王與中文教
金指子漸逢青宜 參校

陽貨稽第十七

陽貨欲見孔子孔子不見孔曰陽貨陽虎也季氏家臣而專魯國之政欲見孔

子使往歸孔子豚孔曰欲使往謝故遺孔子豚鄭曰魯饋饋為鬪今從古按鄭本孔

子時其亡也而往拜之遇諸塗孔曰塗道也於道路與相逢謂孔子曰來

子與爾言曰懷其寶而迷其邦可謂仁乎曰不可馬曰言孔子不仕是

懷寶也知國不治而不為政是迷邦也好從事而亟失時可謂知乎曰不可

孔曰言孔子栖栖好從事而數不遇失時不為有智日月逝矣歲不我與馬曰

年老歲月已往當急仕 孔子曰諾吾將仕矣孔曰以順辭免害也

朱註陽貨至禮大夫有賜於士不得受於其家則往拜其門故瞰孔子之亡而歸之豚

欲令孔子來拜而見之也謂孔子至仕矣懷寶迷邦謂懷藏道德不救國之迷亂亟數也失時

謂不及事幾之會將者且然而未必之辭貨語皆譏孔子諷使速仕孔子固未嘗如

此而亦非不欲仕也但不仕於貨耳

愚按陽貨季氏家臣也士也孔子時未仕亦士也歸豚往拜玉藻所謂敵者不在

拜於其室之禮也孟子陽貨欲見孔子而惡無禮大夫有賜於士不得受於其家則往拜其門趙注陽貨魯大夫也孔子士也毛奇齡曰季氏為司徒下有大夫二人一小宰一小司徒故邑宰家臣通稱大夫也

夫也過庭錄曰虎既囚桓子得魯則升為公臣豈肯向作季氏臣故孟子有大夫士之說謂按陽虎與寶玉大夫而春秋書盜則未為大夫可知虎未為大夫而以大夫自待夫子豈肯以大夫視之乎此蓋孟子誤引也當以玉與大夫與賜士士

拜受又拜於其室敵者不在拜於其室之文為據貨為士孔子亦為士所謂敵者也不在拜受而已不拜於其室也故必敵其不在而歸豚使孔子不得往拜其室也 貨瞰孔子之亡而歸孔

子亦時其亡而拜即以其人之法還其人也謂按此章未記貨瞰孔子之亡事然孟子之文蓋與此詳略互見可據以補此章之闕 遇諸

塗者不期而會於道路之間也謂按左傳不期而會曰過期官可險注五塗徑於塗道路也 懷寶迷邦至歲不我與皆陽

貨之言自爲問答使孔子不得辯也

初敬曰兩日不可實自爲問答以斷爲必然之理此如史記贊侯世家張良項立六國後入不可有云今陛下能制項籍之死命

乎曰未能也他得須辨乎曰未能也他非事人忠友賢者式智者門乎曰未能也肯良自爲問答至漢王姬食吐哺以下乃爲高祖點此章兩曰不可亦然白孔子曰以下乃爲孔子語也問若端曰孔子世家楚令尹子西曰王之使隨侯有如子西者乎曰無有王之輔相有知和同者乎曰無有王之將率有知子路者乎曰無有王之官尹有知宰子者乎曰無有此亦十五年十一此語在宋版時孔子亦進五十五十始發故陽虎以歲不我與爲言孔子曰吾將仕矣聖人之處權奸不卑不亢如此

子曰性相近也習相遠也孔子曰君子慎所習也

朱註子曰至此所謂性兼氣質而言氣質之性固有美惡不同然以其初而言則皆不

甚相遠但習於善則善習於惡則惡於是始相遠耳

按何晏集解本此合下爲一章朱子分兩章今從朱子

愚按韓氏愈言性有三品孟子言性善荀子言性惡以至朱子陸子其說異同千古最訟蓋未即此章夫子之言而思之也性者生於心者也不曰皆善不曰有善有不善而曰相近蓋天以陰陽五行化生萬物氣以成形而理亦賦焉雖氣稟或

有不齊而此理為人心之所同具故曰相近也

謂按人受天地之氣以生其性本善稟賦不齊而有不善者然其有生之初要近於善的一邊

故不得曰善善亦不可曰不善而曰相近也相近二字較孟子善善之說尤為精盡

習鳥數飛也數於善則善數於不善則不善物欲

蔽之於是相近者遂以相遠矣

正義曰韓氏說孟子字義疏證性者分於陰陽五行以為血氣心知品物區以別焉凡既生以後所有之事所具之能所全之德咸以是為其本

故易曰成之者性也氣化生人生物以養各以類滋生久矣然類之區別千古如是也循其故而巳矣在氣化曰陰陽曰五行而陰陽五行之成化也無極焉變是以其流形不特品物不同雖一類之中又復不同凡分形氣於父母即為分於陰陽五行人物以類滋生實氣化之自然中庸曰天命之謂性以生而限於天故曰天命大哉禮曰分於道之謂命形於一之謂性分於道者分於陰陽五行也言乎分則其限之於始有偏全厚薄清濁昏明之不一各隨所分而形於一各成其性也然性雖不同大致以類為之區別故論語曰性相近也此就人與人近言之也孟子曰凡兩類者舉相似也何獨至於人而疑之聖人與我同類者言同類之相似則異類之不相似明矣故語告子生之謂性曰然則犬之性猶牛之性牛之性猶人之性與明乎其不可混同言之也又曰問孟子之時因告子諸人紛紛各立異說故直以性善斷之孔子但言性相近意在於警人慎習非因論性而發故不必直斷以善與曰然古今常語凡指斥下惡者失口言之每曰此無人性稍舉其善端則曰此猶有人性以人為善稱無人性即所謂人見其禽獸也有人性即相近也善也論語言性相近正見人無有不善若不善與善相反其遠以懸絕何近之有分別性與習然後有不善而不可以不善歸性凡得養失養及陷溺於亡成歸於習也李氏光地論語附記案夫子此言惟孟子能暢其說其曰性善即相近之說也其曰或相倍從而無算其所以陷溺其心者然也則習相近之說也先儒謂孔子所言者氣質之性非官性之本孟子所言乃極本窮源之性思謂惟其相近是以謂之善惟其善是以相近是未可言孔孟之指殊也蓋孔孟所言者皆人性耳若以天地之理言則乾道變化各正性命禽獸草木無非是者然禽獸之性則不可言與人相近相近者必其善者也故孝經曰天地之性人為貴是孔子之說無異於孟子也禽獸之性不可以言善所謂善者以其同而相近也故人皆可以為堯舜是孟子之說又無異於孔子也然氏謂性善解性無他食色而已飲食男女與物同之當其先民知有母不知有父則男女無別也茹毛飲血不知火化則飲食無

節也有聖人出示之以嫁娶之禮而民知有人倫矣示之以辨養之法而民知自食其力矣以此示禽獸禽獸不知也禽獸不知則禽獸之性不善人能知之則人之性善矣以飲食男女習性而人性善不待煩言自解也禽獸之性不能善亦不能惡人之性可以引為善亦可引為惡惟其可以引故性善也牛之性可以飲虎而不可使之噬人所知所能不可移也惟人能移則可以善可以惡矣是故惟習相遠乃知其性相近若禽獸則習不能相遠也案諸說皆精審足以發明孔孟言性之旨其他家言作者荀子性惡是就當時之人性言不善言之此有激之論不為真要至世說言性有善有惡與公都子所言性有善有不善同又告子言性無善無不善或說性可以為善可以為不善及漢後儒者之說皆可參攷

子曰唯上知與下愚不移孔曰上知不可使強為惡下愚不可使強賢也

宋註子曰至不移此承上章而言人之氣質相近之中又有美惡一定而非習之所能移者

愚按性與習由相近而相遠是移也唯上知下愚不移是此二者之外無不可移之人也然則中人之資可上可下當勉為其上勿趨於下矣或曰既有上知下愚則性有不相近者矣是習有善有不善矣

清按孟子言人性皆善孔子言性相近亦以善之相近言習謂人之常性也若上知下愚則千萬人中之二二人其偶然者也

子之武城聞弦歌之聲孔曰子游為武城宰鄭曰武城魯之下邑清按致禮見子游為武城宰夫

子莞爾而笑何曰莞爾小笑貌潘維城曰莞陸本作莞夫九五莞陸夫夫與翻注莞說也見武夫子莞爾而笑之見江聲曰說文莞山羊細角者從兔足百聲讀若丸字從此此莞

字本義也訓為喜悅者借義也錢坫曰以莞菜之莧為莞爾之莞借字也維城按莞莞形相近而實不同說文竟竟菜也從艸見聲竟讀若丸莞草也可以作席從艸完聲竟之誤莞猶竟之誤竟賦曰割雞焉用

牛刀孔曰言治小何須用大道也

潘維城曰牛刀即管子所謂屠牛坦一朝而解十二牛而芒刀不頓者也或曰說文牛大牲也物字解牛為大物凡物大者亦謂之牛爾雅釋牛若牛

郭注似謂大鐵云漢之謂大者是也則牛刀即大刀也

子游對曰昔者偃也聞諸夫子曰君子學道則愛

人小人學道則易使也

孔曰道謂禮樂也樂以和人人和則易使子曰二

三子孔曰從行者也偃之言是也前言戲之耳孔曰戲其以治小而用大道也

朱註子之至

弦琴瑟也古者十三舉樂誦詩樂記曰不學操縵不能安弦古之教者家有瑟薰有琴春秋時庠序之教廢故禮壞樂崩雅頌之音不作子游為武城宰蓋始復庠序之教於時受學者衆故夫子得聞

弦歌也周禮小師注弦謂琴瑟歌謂佾詠舞也

時子游為武城宰以禮樂為教故邑人皆弦歌夫子至蓋喜之也子游至

君子小人以位言之子游所稱蓋夫子之常言言君子小人皆不可不學故武城雖

小亦必教以禮樂子曰至嘉子游之篤信又以解門人之惑

愚按禮樂之治內有以俟君子公西華亦曰願學而皆無以自見子游不得行其化於天下國家而唯於武城小試焉夫子牛刀割雞之喻其辭若戲之其實乃深

惜之也

公山弗擾以費畔召子欲往 孔曰弗擾為季氏宰與陽虎共執季桓子而召

孔子也 子路不悅曰未之也巳何必公山氏之之也 孔曰之適也無可

之則止耳何必公山氏之適也 子曰夫召我者而豈徒哉如有用我者吾

其為東周乎 鄭曰東周據時成周 按武王定鼎郊郭周公葬以為都是為王城周公葬洛邑為下都又

王子朝之亂欲王于王城遷成周又以王城為西周成周為東周 何曰興周道於東方故曰東周也

宋註公山至 弗擾季氏宰與陽虎共執桓子據邑以畔 按春秋傳弗擾作不狝字子洩不狝自定五年與陽虎逐仲梁懷八年因陽虎欲去三桓十

二年仲由將帥費不狝以費人獲魯不克奔齊無城邑以畔事惟史記定九年陽虎奔齊後有不狝以費畔云云然實未與陽虎共執桓子也其召孔子常以史記定九年為據按魯世家徐簡公曰以費昭者前有所測後有不狝君子正名定論則兩

氏書畔南氏無辭公山亦畔公山有辭何也南氏舉事以邑附齊君子知其有外心公山舉事以邑繫公君子取其備以濟義也約舉錄曰弗擾雖乘陽虎然虎因桓子及公父文伯逐仲梁懷殺公而公山無是也陽氏之敗取齊王太可以出後入於

諱陽國叛及魯伐之又焚萊門而出而公山無是也陽氏奔齊請師伐魯而公山亦無是也及襄八年吳將伐魯問於叔孫

叔以魯有名而無情謂於弗擾以為魯難無以立必有與難及三月吳伐魯弗擾率故道險從武城欲使魯得為備其處心如此實於 子路至 陽虎逼矣 之之也 末無也言道既不行無所往矣何必公山氏之往乎 子曰至 豈徒哉言 東周乎

必用我也為東周謂興周道於東方

愚按弗擾之叛據史記在定九年其召孔子必藉口於抑私強公之說當時家臣背叛大抵以強公病

私為名關虎之執季桓子亦藉口於此昭十四年韓竹所稱家臣而欲強公室者也此則弗擾之據邑以叛其說必不同於昭三都者特用意不同耳魯當孔子時三家專政非抑私家不能行為特有公私之別耳此時孔

子未為中都宰正有志於用世故欲往而規之於道如後漢董卓始得政召用名賢以從時望而袁伍之流亦因以引進名流藉以圖之

特弗擾之舉為私而不為公故孔子終不往耳用我者用孔子之道也為東周為

東方之周也宜與佛於章參看清按古今註疏家皆生專制時代故其說此章皆泥於君臣

之義而不得真解不知孔子者聖之時者也其刪書而上溯典謨下述誥誓則於

損讓征誅固並重也其去魯後欲見用於列國因周遊陳衛宋鄭問則非若後世

之以事一姓為忠也且南遊而至於楚又不以僭王之故而返駕也或曰子西不能使楚革魯王之說朱

子謂孔子所以外之然則楚而用孔子孔子必使楚革其僭王之說矣曰當專制時代說經者自不能不如此然以魯周而言則禮樂常道則何乃告斷而以兼用四代乎且去魯之後何以周遊列國而不一至周乎周德既衰天不再生文武成康以興之楚魯王號已數世縱有賢聖之君其育反漢陽蕪湖之地而還其子男五十里之得土乎孔子不能使魯不僭亦不補於受女樂而不朝也且曰知如致屬猶可以止何使革楚之僭王乎以庶人而自謂

文王既沒文在茲也非天子不議禮非代周而王者不能改周之制而其告顏淵則參用夏時殷輅周冕韶舞也然則彼陳衛宋鄭與楚者苟有湯武之君出界孔子以伊尹太公周公之任而謂孔子必以尊周爲事是則勞理之所必不然者矣且尼谿之田書社之地安嬰子西之沮之實已見及於此非然者其或將爲殷之亳周之豐鎬未可知也孟子於孔子之時第以仕止久速言蒙竊以爲孔子時而脩春秋則義當尊王時而對於君則義當遵時王之制說見顏淵問焉邦章而時而有王者起則必爲伊尹太公周公時而有土地人民則必爲周之文或爲殷之湯周之武且時而有舜禹其人則又必爲放勳重華先聖後聖其揆一也以此言時而時之爲義大矣此章於弗擾之召而欲往者蓋以爲時有用我者可往則往也爲東周者興於東方如文王周公之時也其終不往者以弗擾非其人卽非其時也說本黎嗣總統叙言

子張問仁於孔子孔子曰能行五者於天下爲仁矣請問之曰恭

寬信敏惠恭則不侮 孔曰不見侮慢也 寬則得衆信則人任焉敏則有功 孔曰應事疾則多成功惠則足以使人

朱註子孫至使人 行是五者則心存而理得矣於天下言無適而不然任倚仗也

愚按子張堂堂難與爲仁者也問仁而孔子曰行五者於天下蓋迎其機而引之以啓子張之間也 附按子張才高意廣好爲苟難如問達問行皆意在務外今問仁而夫子直答以行五者於天下正以迎其機而啓其問也 告以恭寬信敏惠蓋

治平必本之誠正也猶告以質直好義忠信篤敬之意

佛肸召子欲往 孔曰晉大夫趙簡子之邑宰也 指按春秋傳定十三年晉趙鞅與荀息士吉射相攻士即范氏荀即中行氏自五年鞅圍中牟史記

佛肸爲中牟宰使人召孔子欲往據漢南子以中牟爲范中行之私邑非趙氏宰也說見世家趙鞅向新序曰初佛肸之時也有義田卑者不避斧鑕而欲交佛肸股極面生之趙氏乃求田卑爲質之不受而之趙趙氏收其母曰君有暴臣妻無暴子乃免之以一言而免其身亦賢母也說苑立節篇備用中牟之縣時趙鞅曰飲鼎曰與我者受邑不與我者其東中牟之士皆與之城北佛子田基獨後至袿衣將入謂曰軒冕在朝非義弗乘斧鑕於後義死弗避佛備而止之 子路曰

昔者由也聞諸夫子曰親於其身爲不善者君子不入也 孔曰不入其國也佛肸以中牟畔子之往也如之何子曰然有是言也不曰堅

乎磨而不磷不白乎涅而不緇孔曰磷薄也涅可以染皁者言至堅者磨之而不薄至白者染之於涅而不黑喻君子雖在濁亂濁亂不能汙吾豈匏瓜也哉焉能繫而不食 鄭曰我非匏瓜焉能繫而不食者冀往仕而得祿也何曰匏瓠也言匏瓜得繫一處者不食故也吾自食物當東西南北不得如不食之物繫滯一

處也 東疏一說匏瓜星名言人有才智宜佐時理務為入所用豈得如匏瓜飄天而不可食邪

朱註 下路至 子路恐佛胥浼夫子故言此以止夫子之行親猶自也不入不入其黨也

按晉三卿所居皆重地韓之平陽魏之安邑而趙氏之險在晉陽至於中車則有漳水之固與鄰相連河北之險莫如鄴其次即中車也春秋時趙魏伐衛遂圍中車是正佛胥據邑以叛之時則其地與衛接當在夷儀五鹿左右管子所謂五鹿中車親若桓公所築以衛諸夏者也又定九年傳云晉車千乘在中車衛侯如五鹿過中車中車人欲伐之以殖師圍言而伐齊師是中車為晉邑而近衛之據則若羅曰中車城不可考此趙中車當在河北非鄴之中車也鄴之中車在榮陽屬祖禹曰今湯陰縣西五十里 子曰至 不緇 言人之不善不能浼已楊氏曰磨不磷涅不緇而後無可無不可堅

白不足而欲自試於磨涅其不磷緇者幾希矣 吾豈至不食 匏瓠也匏瓜繫於一處而不能飲食人則不如是也

愚按孔子之於佛胥其處之與弗擾同

張揚聲曰佛擾佛胥之召凡人皆不往也魯論兩穀子欲往者特無折絕之詞耳何以無折絕之詞以存魯晉也魯以存之魯

昭公逐意如不克而齊齊又廢其二子公孫公為立公子宋此人倫之大變惡虎不狃欲叛之殺之意雖未良事則大快人心今若嚴詞厲色以斥之適以張季氏之氣助之讓公室也故不為折絕之詞使知無禮於君人皆可以如鷹胸之逐鳥雀庶彼有所忌此以存魯也趙鞅自定公十四年與危中行擄兵春秋載趙鞅入於晉陽以辟至哀公五年春秋傳載趙鞅伐危氏圍中牟則佛胥必以中牟助危氏故圍之耳以世稱稱兵於國五六年不已強橫極矣趙得中牟則分晉之勢成佛胥之召夫子不斥其非微趙鞅所以存晉也夫子意至深遠曰飽瓜曰東周有託詞耳若有陪臣干紀聖人無可無不可而欲往哉按此證以史記孔子將西見趙簡子臨河而反則鞅之殺質臣而亂晉國佛胥之叛不為無辭非曲為佛胥解之也

即處陽貨彌子南子王孫賈輩亦無不同或見之

如子見兩

或欲往

應之

於陽貨

或正言以折之

不

辨 別字也維城案說文無彌子彌水生石間數數也詩白石彌彌傳數數而致工記輪人輪雖數不礙於註

鄭司農云謂不勸於難也支謂說亦數也注又曰越故書或作鄭司農云鄭讀府而不驕之弱

溼不緇一語而

已

溼維城曰史記屈賈傳漢書陳留傳皆言泥而不泮泮釋費鳳別碑清深微溼而不泮皆此溼而不緇之異文武位曰方言溼休也溼既調休取音近為義則溼泥相同釋名緇泮也泥之黑者曰泮是緇泮亦通史記世家論衛國孔翁

新語道基篇引緇並作溼說文溼濕土在水中也段注水部曰澁者溼也溼者澁也黑那澁謂之溼溼溼其與溼義近故廣雅謂溼為泥泥非染物者溼所子亦俗謂溼之質曰染之以溼則黑微其與云今以溼染緇高誘注溼石也西山經女床之山其陰多石一石一名初溼重即今之卑卑溼按漢此則泥溼休實與溼通溼溼溼溼與緇通

學者可由此而推矣匏瓜瓠之苦者繫懸繫也

不食不能供人之食也噲已不能拘繫而不思用世也

清按鮑說文瓜也首瓜者鮑亦瓜也特鮑有苦菜傳鮑苦不可食陸績持鮑葉先甘後苦正續引鮑葉少時可食又可煮極美八月中堅強不可食是鮑一物也鮑之堅強者鮑之始生者廣雅鮑有甘苦二種甘者可食苦者不可食又引北方人謂鮑之甘者大年成變為苦是一物而二物也何注鮑瓜以不食得藥一處否自食物不能藥一處者鮑瓜乃不可食之物其當初可食之物也而朱子言鮑瓜不能飲食則安有核物而能開口飲食者當從何注為是王象登稊賦鮑瓜之空懸長并漢之不食懸即鮑也韋昭解香諸共濟謂鮑可以澆水或燒以解此謂鮑即藥以澆水則鮑藥乃有用之時於取醫之旨不合矣貞成鮑瓜是名天官星名占曰鮑瓜一名天靈在河遊東鮑藥不食對官南冥不可短擗北斗不可短酒藥也曹植洛神賦鮑瓜之無匹分棘牽牛之謂處阮瑀止禁賦鮑瓜之無侶怨續女之獨勤曾附屋言藥正是日月星辰藥之藥有鮑瓜無天而不可食也此可備一說說木灌維城劉涓子又按近者西人竟得有捕蟲草者葉上有毛毛中有液蚊蠅觸其毛則捲而食之積久而消如動物之肉然或以小片牛肉投之亦被食又聞尚有他種植物亦能食物是朱注亦有理可說然植物不能食物其常也或有一二能食物其偶也不如何注義長

能繫而不食蓋即時可往則往之意其曰不磷不緇則正時之所以妙其用也

子曰由也女聞六言六蔽矣乎何曰六言六蔽者下六事謂仁智信直勇剛

也正義曰六言六蔽是古成對曰未也居吾語女孔子曰子路起對故使還坐也好仁

不好學其蔽也愚孔子曰仁者愛物不知所以裁之則愚也好知不好學其

蔽也蕩孔子曰蕩無所適守也好信不好學其蔽也賊孔子曰父子不知相為隱

之章 好直不好學其蔽也絞好勇不好學其蔽也亂好剛不好學其蔽也狂孔曰狂妄抵觸人也

朱註子曰至未也蔽遮掩也居齊禮君子問更端則起而對故孔子諭子路使還坐而告之

好仁至也狂六言皆美德然徒好之而不學以明其理則各有所蔽愚者可陷可罔之類蕩

謂窮高極廣而無所止賊謂傷害於物勇者剛之發剛者勇之體狂躁率也

愚按有所好必有所蔽欲除其蔽惟學而已夫仁智信直勇剛皆心知之善然必

學而後始歸於純倘任質以行則愚蕩賊絞知有疵而不知有學則一味直率亂狂知堅強不屈而不知有學

則肆行抵觸之蔽生焉此因子路所易失者而藥之也清按劉宗寬曰蔽也荀子解蔽注不能通明有物與蔽之也戴震曰人之血氣心知本

子陰陽五行者也如血氣飲食以養其化也即為我之血氣非復所飲食之物矣心知之實於學問其自得之也亦然以血氣言昔稱今強是血氣之得其養也以心知言昔狹小今廣大昔開味今明察是心知之得養也故曰雖愚必明

子曰小子何莫學夫詩包曰小子門人也詩可以興孔曰興引譬連類也

可以觀鄭曰觀觀風俗之盛衰可以羣孔曰羣居相切磋可以怨孔曰怨刺上

政鄭曰怨謂刺上政邇之事父遠之事君孔曰邇近也多識於鳥獸草木之名

朱註詩可以興感發志意可以考見得失和而不流怨而不怒人倫之道詩無不備其名其緒餘又足以資多識

愚按詩三百篇皆切於人倫日用事物之理故古者十歲入小學即誦詩孔子亦嘗曰興於詩此章呼小子而告之聖人以詩教人蓋莫詳於此矣清按事君者從事於國事也

子謂伯魚曰女爲周南召南矣乎人而不爲周南召南其猶正牆面而立也與馬曰周南召南國風之始得淑女以配君子三綱之首王教之端故人而不爲如向牆而立也

朱註子謂至也與爲猶學也周南召南詩首篇名所言皆修身齊家之事正牆面而立言即

其至近之地而一物無所見一步不可行

愚按周南召南周公召公分陝所得南國之詩也南國諸侯非止一國故總係以

南也二南多言夫婦之道有夫婦然後有父子君臣上下而禮義有所厝故取以

為詩之首篇

說本劉恭冕

伯魚趨庭而夫子告以學詩今又告以為二南

為潘維城據劉故傳或為雅或為頌法說

也正義曰依其義說以循行之故曰為也

聖人教其子者可見矣

劉恭冕曰二南皆言夫婦之道君子利於寡妻至於兄弟以御於家邦禮書區術備闡家室之道條則天下之理得即此義也

時或伯魚授室故夫子特舉二南以

子曰禮云禮云玉帛云乎哉

鄭曰玉圭璫之屬帛束帛之屬也言禮非但崇

此玉帛而已所貴者乃貴其安上治民也樂云樂云鐘鼓云乎哉馬曰樂之所

貴者移風易俗也非謂鐘鼓而已也鄭曰言樂不但崇此鐘鼓而已所貴者貴其移風

易俗也

朱註子曰

敬而將之以玉帛則為禮和而發之以鐘鼓則為樂遺其本而專事其末

則豈禮樂之謂哉

愚按玉帛鐘鼓所以行禮樂而非即以玉帛鐘鼓為禮樂也春秋時遺本而求末故夫子歎之

子曰色厲而內荏 孔曰荏柔也謂外自矜厲而內柔佞者也 譬諸小人其猶穿窬之盜也與 孔曰為人如此猶小人之有盜心穿窬壁也窬窬牆也

朱註子曰至也與厲威嚴也小人細民也言其無實盜名而常畏人知也

愚按禮表記子曰君子不以色親人情疏而貌親在小人則穿窬之盜也與彼曰貌親而情疏此曰色厲而內荏皆中與外相反者也窬穿木戶也說文門邊小竅也

注穿戶竅而為盜毛奇齡曰禮廟門上窬盜即戶竅也是竅字穿者穴而過盜之小者也盜有不操矛楯者莊子所謂大

盜是也有編圖者魯三家竹三家齊田氏是也有殺人越貨者盜跖是也此穿窬則小盜耳

子曰鄉原德之賊也 周生烈曰所至之鄉輒原其人情而為己意以待之是賊

亂德者也一曰鄉向也古字同謂人不能剛毅而見人輒原其趣向容媚而合之言此所以賊德也

朱註

子曰至誠也

鄉者鄙俗之意原與愿同荀子原惡註讀作愿是也

荀子守正篇上論誠則下原惡矣

鄉原鄉

人之愿者也蓋其同流合污以媚於世

孟子非之無舉也刺之無刺也同乎流俗合乎污世居之似忠信行之似廉潔兼管說之自以為是而不可與人變舜之道故曰德

之賊也故在鄉人之中獨以愿稱夫子以其似德非德而反亂乎德故以為德之賊而深惡之

愚按君子小人不並域未有為君子而能同乎小人者也鄉愿者既竊忠信廉潔之似以求合乎君子又同流合污以自媚於小人曰德之賊猶上章言穿窬之意

清按陳澧曰鄉原孟子解之其詳周生烈注朱純注曲義疏引張憑曰鄉原原也孔子之鄉人故曰鄉原其說尤非

子曰道聽而塗說德之棄也馬曰聞之於道路則傳而說之也

朱註

子曰至誠也

雖聞善言不為己有是自棄其德也

愚按道聽塗說者心無所得而人云亦云也棄者親爲不甚愛惜之物也此正與得一善則拳拳服膺者相反

子曰鄙夫可與事君也與哉 孔曰言不可與事君 其未得之也患得之何曰患得之者患不能得之也楚俗言也 皇疏楚之風俗其言語如此也呼患不得爲患得之也言此三字楚之俗言也 既得之患失之苟患失之無所不至矣 鄭曰無所不至者言邪媚無所不至也

朱註 子曰至與哉

鄙夫庸惡陋劣之稱

既得至不至矣

小則吮癢舐痔

漢文帝解嘲鄧通爲吮之既得見莊子列禦寇篇

大則弑父

與君皆生於患失而已

愚按苟子子道篇孔子曰小人者其未得之也則憂不得既已得之又恐失之是以有終身之憂無一朝之樂潛夫論愛日篇孔子病夫未得之也患不得之既得之患失之者鹽鐵論語排章君子疾鄙夫之不可與事君患其聽從而無所不至也皆可以證明此章之旨 說本潘維城 自色厲內荏至此四章語意略同皆言中不足而

外有餘者也清按事君今以從事於國事言從事於國事而有患得患失之心則知有得失而不知有國事矣

子曰古者民有三疾今也或是之亡也包曰言古者民疾與今時異也古之狂也肆包曰肆極意敢言之也今之狂也蕩孔曰蕩無所據也古之矜也廉馬曰有廉隅鄭曰魯讀廉為貶今從古今之矜也忿戾孔曰惡理多怒也古之愚也直今之愚也詐而已矣

朱註子曰至氣失其平則為疾故氣稟之偏者亦謂之疾今亦亡之傷俗之益衰也古

至而曰矣狂者志願太高肆謂不拘小節蕩則踰大閑矣矜者持守太嚴廉謂稜角峭厲忿戾則至於爭矣愚者暗昧不明直謂徑行自遂詐則挾私妄作矣

愚按疾如水之有癭玉之有瑕正可因其疾而見其美然古之因疾而見其美者今則終成其惡矣夫子言此蓋傷春秋之世也

子曰巧言令色鮮矣仁王曰巧言無實令色無質

朱註子曰至鮮矣仁重出

愚按古本足利本無此章唐石經先無而後增之太平御覽三百八十八引論語陽貨曰巧言令色鮮矣仁是漢魏舊本皆有此章後人刪之非也說本潘維城

子曰惡紫之奪朱也 孔曰朱正色紫間色之好者惡其邪好而奪正色也 惡鄭聲之亂雅樂也 包曰鄭聲淫聲之哀者惡其奪雅樂也 惡利口之覆邦家者 孔曰利口之人多言少實苟能悅媚時君傾覆其國家

朱註子曰至按雅本字作疋調正此雅乃利口捷給覆敗也

愚按紫奪朱色足亂明也王應麟曰周衰諸侯服紫玉藻玄冠紫纓自魯桓公始也管子云齊桓公好服紫齊人仰之五素易一紫周衰之制也江永曰渾良夫紫衣情君服是當時好紫也清按紫解見鄭黨篇紅紫不以爲褻服註下鄭亂雅聲足亂聰也利口覆邦家佞人亂政也

子曰予欲無言 何曰言之爲益少故欲無言也 子貢曰子如不言則小

子何述焉子曰天何言哉四時行焉百物生焉天何言哉鄭曰魯讀

天爲夫今從古

朱註

子曰至

學者多以言語觀聖人而不察其天理流行之實有不待言而著者是以

徒得其言而不得其所以言故夫子發此以警之

子曰至

子貢正以言語觀聖人者故

疑而問之

子曰至

四時行百物生莫非天理發見流行之實不待言而可見聖人一動

一靜莫非妙道精義之發亦天而已豈待言而顯哉

愚按孔子聖之時者也其作止動靜猶天之寒暑往來日月推行皆可默觀而化

者也其教人雖不能無言然專卽言以觀聖人則終不得其所以言之理矣故發

此以示弟子也清按孔子自比於天耶氏亦自謂上帝之子蓋宗教家皆自謂與

天合德中外一也又天生德于予天之未喪斯文云云亦此意也

孺悲欲見孔子孔子辭以疾將命者出戶取瑟而歌使之聞之鄭

曰將命傳辭者何曰孺悲魯人也孔子不欲見故辭以疾爲其將命者不知己故歌令將命者悟所以令孺悲思之

朱註孺悲並孺悲嘗學士喪禮於孔子

禮記注由之喪哀公便孺悲之孔子學士喪禮於是乎書鄭註時人轉而借上士之喪已廢矣孔子以教孺悲國人乃復書而存之

當是時必有以得罪者故辭以疾而又使其非疾以警教之也

愚按禮雜記有學士喪禮事曰哀公使之則悲必魯臣曰學則亦親受業聖門而

爲傳經之弟子也

按此正如然友奉懸文之命而問於孟子兄弟錯率漢景之命而傳書於伏生之類

此欲見蓋未學禮前事

儀禮士相見疏云孺悲欲見不由介

紹故子辭以疾云云併按既學禮則爲弟子弟子見師何用介紹惟在未學禮之先故必有將命者也且孔子於子路面責之曰野於原壤一故人亦叩其脛面責之爲賦豈悲既學禮而不可面責者故禮天所責式三則乘中諸家皆斷爲未學禮時事朱註以爲學禮後事非也或曰此之欲見即來學禮而見也曰如學禮時有辭疾恐歌之事則禮記必記之今禮記無此文則非學禮時可知也且悲奉若命來學夫子何得責其無介紹也總之夫子辭疾其果爲無介紹與否雖不可必然以本文將命言之則辭疾而以瑟歌示意蓋不教誨之教誨也
呂伯恭曰使之聞之是悲猶在可以教當以未學禮時爲斷

夫子警之之力歟

宰我問三年之喪期已久矣君子三年不爲禮禮必壞三年不爲

樂樂必崩舊穀既沒新穀既升鑽燧改火期可已矣 馬曰周書月令

有更火春取榆柳之火夏取棗杏之火夏季取桑柘之火秋取柞楡之火冬取槐楨之

火此周禮司爨註文古說或取五色或取五行總稱此亦和地之道因時之使用此十等樹木耳不必如註家說一年之中鑽火各異木故曰改火也子曰食

夫稻衣夫錦於女安乎曰安女安則為之夫君子之居喪食旨不

甘聞樂不樂居處不安故不為也今女安則為之 孔曰旨美也責其

無仁恩於親故再言汝安則為之宰我出子曰予之不仁也子生三年然

後免於父母之懷焉日子生未三歲為父母所懷抱夫三年之喪天下之

通喪也孔曰自天子達於庶人予也有三年之愛於其父母乎孔曰言子

之於父母欲報之德矣天罔極而予也有三年之愛乎

朱註 宰我至 期周年也 君子至 必期 必期 恐居喪不習而崩壞也 舊穀至 已矣 已矣 沒盡也升登也燧取火

之木也 內則有大槩木燧然則燧殆如 已止也言期年則天運一周喪至此可止也 子曰至 禮父

母之喪既殯食粥麤糲既葬疏食水飲受以成布期而小祥始食菜果練冠縗緣要
經不除無食稻衣錦之理女安至則為之此夫子之言也旨亦甘也初言女安則為之絕之之
辭又發其不忍之端以警其不察而再言女安則為之以深責之宰我既出父母乎
夫子懼其真以為可安而遂行之故深探其本而斥之言由其不仁故愛親之薄如
此也懷抱也又言君子所以不忍其親而喪必三年之故使之聞之或能反求而終
得其本心也

愚按期已久矣者言為期過久也期可已矣者言期年可以止也四書紀聞曰期已久矣之期當讀如字期可已

矣之期當讀為期月之期潘維城曰史記弟子列傳引此作不已久乎則期已久矣之期非期年之期明其說上言三年之喪下接言期已久矣語氣亦不實管說也禮三年問至親以期斷人
唯父母之喪三年其餘至親者皆至期而止然且父在為母亦期年祗降於所為也故至親以期斷天地則已易矣四時則已變矣其在天地之中

者莫不更始焉是以象之也然則何以三年也曰加隆焉爾也焉使倍之焉所以也

故再期也清按三年謂又曰三年之喪二十五月而畢王肅據之謂三年喪止二十五月鄭玄據期而小祥兩期大祥中月而禫之文謂中月者謂一月而禫祭也則是二十七月石梁王氏曰二十四月為再期其月餘日不虧

為二十五月中月而禱則空一月為二十六月出月禱祭為二十七月徒月則樂矣 由九月以下何也曰焉使弗及也弗及者惠之殺也三月弗及五月五月弗及九月九月弗及

反期也 故三年以為隆所謂加隆也 總小功以為殺所謂恩殺也 期九月以為開期與大功在隆殺之間故曰以為開也 上取

象於天下取法於地取象天地者三年象開期象一歲九月象物之三時而成五月象兩時又象五行三月象一時 中取則於人取則於人者子生三

父母之懷制重者其日久痛甚者其愈遲三年者稱情而立所以為至痛極也 據此則喪也者取諸天地四時之變易至親以期為斷

而三年特加隆者也春秋時三年之喪聖門類能行之禮子夏問子將皆三年喪畢見於夫子 而時人多

不能行詩論風若冠序刺不能三年也禮為鄭武公所滅此詩當作於平王時公羊哀五年九月齊侯卒白卒六年傳秋七月除於公之喪孟子滕文公定三年之喪父兄百官以為善及魯失君皆莫之行則三年之喪其不行也

久矣 宰我能言者也豈於親喪而岸然欲短之觀其語意蓋有見於至親以期為斷

之理而不察所以加隆之故又慎時疾俗而以為期之喪愈於已也故以折衷於

孔子也孔子不與言天地四時之變易而唯就衣食之安不安及所以喪必三年

之故以曉之蓋示以取則於人之義也又按宰我言禮壞樂崩者外視禮樂而不

知禮有其體樂有其聲居喪之時以衰麻杖絰為體以哭泣辟踊為聲以葛易麻

以練易為者文也菴露蒿里懸琴比御者情也禮云樂云夫豈玉帛鐘鼓之云哉
三年之喪情文皆發於心不為禮樂而禮樂之真意存焉夫何崩壞之有哉清按
君臣之制可廢父子之倫不可廢苟父母之喪視若無事則忍心害理直與禽獸
無異矣

子曰飽食終日無所用心難矣哉不有博奕者乎為之猶賢乎已

馬曰為其無所據樂善生淫慾也皇疏博者十二棋對而博奕者也按皇新註孟子博即今之雙陸說文博字博
六者十二棋術子大略篇六武之博博德註即六博也王逸註楚辭投六箸行
對向局局分十二道兩頭當中名為水用棋十二枚法六百六十八又用魚二枚置水中其擲采以瓊為之二名采魚每一采魚獲二
籌謂一魚獲三籌若已已未兩魚而不勝者名被劫雙魚
彼家獲六籌為大勝也清按二六相對即雙陸之戲也

朱註子曰至已止也李氏曰聖人非教人博奕也所以其言無所用心之不可耳

愚按博奕之事不惟使人廢時失業而又易啟貪爭之心是豈可為者哉然飽食
而心無所用則淫辟之念生而將無所不為矣故不如博奕者之為害猶小也

子路曰君子尚勇乎子曰君子義以為尚君子有勇而無義為亂
小人有勇而無義為盜

朱註子路至
為盜

尚上也君子為亂小人為盜皆以位而言也

愚按義者宜也勇而得宜斯為可尚若徒事於勇則其弊至於為盜為亂安得為
君子哉此蓋因子路之病而藥之也

子貢曰君子亦有惡乎子曰有惡惡稱人之惡者包曰好稱說人之惡
所以為惡也 惡居下流而訕上者 孔曰訕謗毀也 惡勇而無禮者惡果
敢而窒者馬曰窒窒塞也鄭曰魯讀窒為室今從古曰賜也亦有惡乎惡微
以為知者孔曰微抄也惡抄人之意以為己有 惡不孫以為勇者惡訐以
為直者包曰訐謂攻發人之陰私

朱註子貢至
者

稱人惡則無仁厚之意下訕上則無忠敬之心勇無禮則為亂果而窒則

妄作故夫子惡之曰賜也至直者惡微以下子貢之言也微伺察也

愚按君子民胞物與其於惡人固見爲可哀矜而不見爲可惡者也子貢以亦有惡乎問則其平日未見夫子之有所惡可知然稂莠不除嘉禾不生蕪穢不剪良苗不殖夫子舉是四者非有害於學術卽有害於治術惡其所當惡所謂唯仁人能好人惡人也子貢所惡雖有不同其致一也

子曰唯女子與小人爲難養也近之則不孫遠之則怨

朱註子曰至則怨此小人亦謂僕隸下人也君子之於臣妾莊以蒞之慈以畜之則無二者之患矣

愚按女子小人其禍一身一家者小其禍天下國家者大上下千古無代無之其變雖各有不同而要不出不孫與怨兩端待僕妾者當知所警矣清按古之爲君者其宮廷皆用宮妾閹人惡習相沿已數千年今廢除之矣民間女子爲設女學

亦可自立矣然則所謂難養者實政體之不良爲之也

子曰年四十而見惡焉其終也已鄭曰年在不惑而爲人所惡終無善行也

朱註也巳 四十成德之時見惡於人則止於此而已

愚按年四十者以學言則不惑之時也以用世言則強仕之時也此時而猶見惡於人尙何望其有成哉曰其終也已蓋深惜之

論語稽

陽貨稽第十七終

後學黃岡高鸞翔松軒校字

論語稽

遵義宦懋庸伯銘學

男應清誨之校註

後學 黃國王莫中文教 金垣子漸遠百宜 參校

微子稽第十八

微子去之箕子爲之奴比干諫而死 馬曰微箕二國名子爵也微子紂之

庶兄箕子比干紂之諸父也 皇疏微子名啓是殷王帝乙之元子紂之庶兄也史記曰帝乙長子曰微子啓啓母賤不得嗣少子辛辛母正后辛爲嗣帝乙崩子辛立是爲帝辛天下稱之紂諡法曰殘饑

損善曰村史記索隱曰微國號微爲子啓名也孔子家語云微或作魏讀從微索隱又曰此以啓與紂異母而鄭玄稱爲同母依呂氏春秋言母當生啓時猶未正后位及生紂乃爲妃故啓大而庶紂嫡而小按呂氏春秋曰紂同母三人長微子啓次仲初次受又

曰辛即紂也紂母之生微子啓及仲衍也尙爲妾已而帝乙立爲妻而後生紂帝乙將立微子爲太子太史執法而爭之曰有妻之子而不可殺妾之子故微子不得立箕子比干二人皆帝乙之弟其國名子爵 微子見紂無道

早去之箕子佯狂爲奴比干以諫而見殺 史記微子數諫不聽乃與大師少師謀去比干曰爲人臣者不得

懼乃佯狂爲奴紂又囚之殷之太師少師乃持其祭器而奔周括地志曰比干見微子去箕子狂乃歎曰主過不諫非忠也畏死不言非勇也過則諫不用則死忠之至也遂諫不去者三日紂問何以自持比干曰修善行仁以義自持紂怒曰吾聞聖人有七

疑乃割視之

孔子曰殷有三仁焉

馬曰仁者愛人三人行各異而同稱仁以其俱在憂

亂寧民也鄭曰箕子比干不忍去皆是同姓之臣有親屬之恩君雖無道不忍去之也

然君臣義合道終不行雖同姓有去之理故微子去之與箕子比干同稱三仁

朱註孔子至三仁焉三人之行不同而同出於至誠惻怛之意故不拂乎愛之理而有以全其

心之德也

愚按微箕非國皆殷圻內之地如雍沃盤河之類蓋以其食邑之地稱之者也

正義

曰微箕皆有封國遠仕王朝為卿士微子雖不聽乃去位而逃於野箕子亦去位而往在武王誅武庚乃封箕子於宋又改封箕子於朝鮮此仍言微箕者從故稱也孔氏書疏引鄭康成說微箕皆在圻內杜預春秋釋例僖六年微東平微張縣西北有微鄆微子家西北去朝歌向在圻內箕子記博州聊城縣有微子城博州今東昌府治與涉微毗連故兩邑皆言有微地實則在魯境也聞若據今路安府鄆城縣東北十五里有微子城蓋微則一統志其說不足信左傳僖三十三年晉人敗狄於箕莊太原陽邑縣南有箕城國者據謂在今遼州檢社縣東南三十里而微蓋謂在太谷縣東南三十五里亦兩地皆言有箕城皆在圻內未知孰是請按微箕雖未定在何地然正義所引則皆在殷圻內是可微也五等之封乃圻外諸侯之國微箕在圻內則非分封之地矣且如殷之靡巴河實甲辰丁酉甲辰庚庚幸人既非若大小祖少之以世及又非若文丁武丁之保行則所謂雍沃盤河者非地而何而諸君未聞自外濟入繼大統則以地為名而微箕亦其類矣且以於王之義而言微箕既故歸則孔子必不重從故爵之稱而宜稱宋稱朝辭矣以事理而言微箕雖不聽可歸國不必懸野及祥狂矣且微仲亦稱微是豈亦封國乎

子非爵乃男子之美稱如

春秋稱劉子單子是也

白虎通謂子者華也華華無已也故爵三等公侯伯也此得有子者鄭君王制注
吳嚴內謂之子是也清按嚴內稱子如左氏傳稱劉子單子也又春秋書季友為季

子左氏稱魏舒為魏子亦此例殷紂無道微子數諫不聽

城史乃不顧而行遜

諫書經也勸學錄曰史記管仲周者太師疾等其微子但言去之書

明云行越可謂言奔周至春秋傳所言乃逢伯移武庚之舉以編總子既先已奔又何從而辨衍暨與微也

箕子亦諫不聽而佯狂為奴

史記宋世家曰箕子者紂之親戚也紂為淫泆

箕子諫不聽人曰可以去矣箕子曰人臣諫不聽而上是彰君惡而自說於民吾不忍為也乃被髮佯狂而為奴司馬彪謂箕子名胥餘竅姑曰胥者胥靡之裔胥餘猶胥刑餘然則非箕子之名也又按韓詩外傳親戚既沒難欲身誰為身是古人稱父兄為親戚也

比干極諫紂剖其心而死

潛按書經剖賢人之心又史記及括地志所載均略同比干惡在河內汲縣或耕地得銅盤有銘其文曰右林左泉前圖後遺萬世之靈茲焉

是實後魏孝文帝有弟比干草文今傳於世然銅盤不必定是當時物其為亦不定果是古耳

蓋陽九百六之會必有一二義烈之士維持名教

其所蹈之節不必盡同而其不忍陷國家於危亡之心則一不忍之心人心也人

之生生不息之理也夫子斷之曰三仁一字之褒可以補春秋之所不及矣清按

專制之君之無道雖其諸父諸兄之親亦不能救卒至受獨夫之誅以亡其國孔

子許三仁之仁正以見專制之害也

柳下惠為士師孔曰士師典獄之官也三黜人曰子未可以去乎曰直

道而事人焉往而不三黜孔子苟直道以事人所至之國俱當復三黜也枉道而事人何必去父母之邦

朱註

柳下惠至之邦

士師獄官

周禮秋官司師職下大夫四人掌國之五刑之法以左右刑罰察獄訟之辭以詔司寇斷獄弊訟致邦令其下又有鄉士遂士縣士方士評士管掌獄訟者

黜退也

三黜黜也黜舉錄有作三次解者曰岑鼎之微魯君欲以質魯必以其魯君於是乎黜之愛居之止威孫以為吉惠以為災文仲於是乎黜之儀公之請夏父弗忌以為明順惠以為不詳弗忌於是乎黜之是之謂三黜也

柳下惠

三黜不去而其辭氣雍容如此可謂和矣

戰國燕策燕王與樂毅書曰昔者柳下惠更於魯三黜而去或謂之曰可以去矣惠曰苟與人之異惡往而不黜乎猶且

黜乎事於故國耳列女傳曰柳下惠處魯三黜不去妻曰無乃濼乎君子有二恥國有違而賤恥也國無道而貴恥也今當亂世三黜不去亦近恥也惠曰黜油之民將陷於齊吾能已乎且彼為彼我為我彼雖裸裎安能汙我油油然與之處仁於下位既死門人將誄之妻曰諒夫子之德耶二三子不如妾知之也乃諄之而諄為惠 然其不能杜道之意則有確乎其不可拔者是則所謂

必以其道而不自失焉者也

清按此當與衛靈公篇位章參看

愚按有直無枉者道也柳下惠黜不黜聽之人去不去決之己道在故也不徇世亦不避世孟子所謂聖之和者也清按惠於父母之邦油油然不忍去而必以其道所謂和而不流不同者也故孟子又曰不以三公易其介唯能介乃能和

齊景公待孔子曰若季氏則吾不能以季孟之間待之孔子魯三卿

季氏爲上卿最貴孟氏爲下卿不用事言待之以二者之間 曰吾老矣不能用也孔子行何曰以聖道難成故云老矣不能用也

朱註 齊政至孔子行事見世家

愚按魯昭公二十五年孔子三十五歲適齊史記孔子世家景公問政子曰君君臣臣父父子他日又問子曰政在節財公說欲以尼谿田封孔子晏嬰不可

若曰夫儒者滑稽而不可執法俗儂自顧不可以爲下遊矣然其政厚葬不可以爲俗今孔子雖容飾繁登降之禮累世不能預其學常年不能究其禮君欲用之以移其俗非所以先細民也按史記載晏嬰沮封孔子事本之晏子者也孔子之於魯爲齊辨之近人畢沅註晏子謂是節非舉子自著乃其門人總說之詞然晏子春秋亦有此篇劉向以其不合經術列之外編而究不能謂其無此舉故世家裕亦引之清按尼谿之封晏嬰沮之蓋即子西之意特儒者云云措詞婉曲不似子西之顯耳 異日公止孔子曰奉子以季氏吾不能以季孟之間待之曰吾老矣不能用

也孔子遂行返乎魯即其事也 清按返魯在昭公二十七年 景公言老者蓋是時年將六十矣 清按左傳襄二

十五年叔孫宣伯之在齊也叔孫還納其女於靈公嬖生景公宣伯在齊爲魯成十六年景公之生當在十七八年至襄二十六年即位已三十七八歲此時任位已三十年將及六十故曰吾老矣 季孟者魯國之

卿也 劉焯冠曰左傳劉康公言叔孫之位不若季孟又叔孫儀如齊魯之有季孟猶晉之有欒范又四分公室舍中軍則季氏將左師孟氏將右師而叔氏自爲軍是三桓之勢季一孟二也周秉中曰季孟之間者季之下孟之上即謂以

待叔氏之禮待之亦無不可清按不宣以待叔氏者待之而言季孟之間蓋叔氏之位不如季孟也曰季孟之間當以季之下孟之上為是

景公不以待晏子者待孔子而以

季孟之間待之是待以容禮已見其不能用孔子矣况又曰老不能用孔子安能

不接浙而行哉清按孔子者聖之時者也有王者起可以為伊尹太公周公社

稷人民可以為殷之亳周之豐鎬此言孔子有社稷民人時可以為殷之亳周之豐鎬非謂孔子先已有此心也所惜者齊景不能為

湯武而尼谿之田又被沮耳非然者寧栖栖以終老哉

齊人歸女樂季桓子受之三日不朝孔子行孔曰桓子季孫斯也使定

公受齊之女樂君臣相與觀之廢朝禮三日也

朱註齊人至孔子行史記定公十四年孔子為魯司寇攝行相事齊人懼歸女樂以沮之尹氏曰受女樂

而忘於政事如此其饋賢樂禮不足與有為可知矣夫子所以行也所謂見幾而作不俟終日者與

愚按歸女樂事在魯定公二十二年冬春之間孔子去魯在十三年正月政登見世家釋

蓋諫不聽而行也清按史記孔子世家孔子攝行相事齊人聞而懼曰孔子為政必弱霸則吾地近焉我之黃尤并矣豈敢地焉擊鐘曰請先齊沮之沮之而不可則殺地唐邈子於是齊國中女子好者八

十人曾衣文衣而舞康樂文鳥三十期遺君陳於魯城南高門外季桓子微服往觀再三將受乃語魯君為明道遊往觀終日忘於政事子路曰夫子可以行矣孔子曰魯今且郊如致諸於大夫吾猶可以止桓子受齊女樂三日不聽政郊又不致釋於大夫孔子遂行韓非子內儲說仲尼為政於魯齊景公患之警且謂公曰君何不迎之重祿高位道哀公女樂以靖其志哀公心樂必怠於政仲尼必諫諫必絕絕於魯景公遣哀公女樂哀公果怠於政仲尼諫不聽去而之楚魯謂曰此事在定公時韓非作哀公誤也然其云仲尼諫不聽則可補史記之缺觀齊人不敢直陳魯莊桓子孟子曰孔子去魯子不敢公行魯國可以惡會其故矣又史記孔子行季桓子喟然歎曰夫子非我以羣婢故也 孟子曰孔子去魯

遲遲吾行是也 清按尹氏謂不疾終日不如孟子之言較得善人氣象且史記言孔子行宿平屯師已送之曰夫子則非非孔子曰吾歌可乎歌曰彼婦之口可以出走彼婦之口可以死敗優游哉維以卒康云云

又邠不致釋乃行亦正遲遲之說則尹說非也 清按專制之君臣不受國民之監督故受女樂而怠於政事如此

然孔子之仕則從事於國事非為君之私暱今國事不可為則不得不行矣

楚狂接輿歌而過孔子 孔子曰接輿楚人也佯狂而來歌以欲感切孔子 邢疏接輿姓陸名通

楚昭王時人列女傳接輿躬耕以爲食楚王使聘之請治淮南接輿笑而不答委從市來曰先生爲義豈將老而避之說門外車轍何深也接輿以告妻曰義士不爲貧易操不爲賤改行介衣服食飽樂亦足矣又乘人肥鮮轉側以待之於是夫負釜飯妻載器器變名易姓而遠徒莫知所之也尹子楚狂接輿耕於方城楚辭九章接輿之髡首兮揚子法言附卷楚狂接輿之被其髮也 曰鳳兮鳳兮何德之衰 孔子曰比孔

子於鳳鳥也鳳鳥待聖君而乃見非孔子周行求合故曰衰 往者不可諫來者

猶可追 孔子曰已往所行不可復諫止自今已來可追自止避亂隱居也 已而已

論語精

微子稽第十八

而今之從政者殆而孔曰已而者言世亂已甚不可復治再言之者傷之甚也

鄭曰魯讀期斯已矣今之從政者殆而今從古時也言出處之道惟其時而已矣今之從政者殆可已之時

也鄭從古者孔子世家云已而已而今之從政者殆而知古本如此也孔子下欲與之言趨而避之

不得與之言包曰下下車也鄭曰下下堂出門也

朱註地狂至夫子時將適楚故接輿歌而過其車前風有道則見無道則隱接輿以比

孔子而譏其不能隱為德衰也來者可追言及今尚可隱去已止也而語助詞殆危

也歌必有韻聲讀如崔與追面皆叶韻者孔子下下車蓋欲告以出處之意接輿自以為是故不欲聞而

避之也

愚按孔子於哀四年適楚哀六年返衛汝得見世家釋此蓋在楚時事接輿曹之升曰接輿者接孔

門杖者謂之丈人津者謂之沮洳之淵也邢昺據高士傳以為姓陸名通正義曰莊子逍遙游肩吾問於連叔曰吾聞言於

接輿韓詩外傳楚狂接輿躬耕以食楚王請治河南笑而不應與妻偕隱莫知所之秦實范離曰箕子接輿諱身而為厲彼變而陽狂無益於殷楚據此則接輿乃其姓名馮景引齊靈下辯七接子為接氏之證清

注莊子人間世孔子適楚楚狂接輿游其門則非接孔子之與矣當以接氏與名為是歌辭又見莊子與此

畧異人間世篇曰風兮風兮何如德之衰也來世不可待往世不可追也天下有道讓入或莫天下無道導人生焉方今之時僅免刑焉爾輕乎勿莫之讓蓋禍乎地裏之知避已乎已乎臨人以德州乎殆乎靈地而趨迷陽迷陽無傷

吾行善行亦曲無傷吾足山水自避也膏火自煎也挂可食故包註下車朱子從之正謂曰下鄭氏謂下堂是也鄭錄莊子遊其門之文是夫

子之漆可用故割之人皆知有用之用而莫知無用之用也子在門內非在車上故以下為下堂對莊楚接輿以歌辭動孔子知世之不可而欲孔子不為

也避孔子而不與言以孔子不可而為故不欲與言也然則趨向雖不同而楚狂

要亦能知聖人者矣

長沮桀溺耦而耕孔子過之使子路問津焉鄭曰長沮桀溺隱者也

沮溺人收沮溺為名者正見生長水濱沉溺不反之意春秋傳曰桀石以投人則桀有取義又與及字古亦通用金履祥曰長沮桀溺名皆從水子路問津一時何從識其姓名此並以物色名之如荷蓑負門荷蓑丈人之類蓋二人耦耕於田其一人長而沮溺一人桀

然高大而健足因以名之也曹之升說亦同前按不記子路之問二耕廣五寸二耜為耦津濟渡處也長

沮曰夫執輿者為誰子路曰為孔丘曰是魯孔丘與曰是也曰是

知津矣馬曰言數周流自知津處問於桀溺桀溺曰子為誰曰為仲由

曰是魯孔丘之徒與對曰然曰滔滔者天下皆是也而誰以易之

孔曰滔滔者周流之貌也言當今天下治亂同空舍此適彼故曰誰以易之且而與

其從辟人之士也豈若從辟世之士哉何曰士有避人之法有避世之法

長沮桀溺謂孔子為士從避人之法也已之為士則從避世之法也 糲而不糲鄭

曰糲覆種也糲止也覆種不止不以津告也 糲種是耕中之一事孟子稱種而糲之說文徐註糲摩田器播種以此器摩之使土開鬆為復合種者是也莊子則謂篇深

其耕而熟後之註糲也潘維城引江永曰北方農人播種之後以土覆種摩而平之使鳥不能啄也 子路行以告夫子憮然何曰為其不達已意

而便非已曰鳥獸不可與同羣孔曰隱居山林則與鳥獸同羣 吾非斯人

之徒與而誰與孔曰吾自當與此天下人同羣安能去人從鳥獸居乎天下有

道丘不與易也孔曰言凡天下有道者丘皆不與易也已大而人小故也

朱註 按沮至問津焉 時孔子自楚反乎蔡 按沮至知津矣 執與執轡在車也蓋本子路御而執轡今下問

津故夫子代之 不觀 滔滔流而不反之意以猶與也言天下皆亂將誰與變易之而

汝也 子路至易也 憮然猶悵然惜其不喻已意也言所當與同羣者斯人而已豈可絕人逃

世以爲潔哉天下若已平治則我無庸變易之正爲天下無道故欲以道易之耳

愚按史記載此事在孔子自葉反蔡時葉楚縣也蔡爲故蔡地是時入於楚亦楚

地也清按史記孔子世家孔子自葉反乎蔡葉沮梁瀾云云周彙中曰此乃故蔡地在今河南汝寧府蔡叔初封者上蔡也平侯遷者新蔡也皆與葉近其地入於楚哀六年遷州來則在今江南鳳陽府壽州北三十里而葉在今河南南

陽府葉縣相去遠矣滔滔以水喻亂世也皆是皆滔滔也易變也言禍亂不能變其世而求治

猶滔滔不能變其塗而求津也然春秋之時同此滔滔其出此滔滔之外者惟鳥

獸耳此沮溺所決欲避之者夫子正不能不思所以易之也慨然失意之貌蓋悲

惘之懷所形也清按孔子欲易天下之無道即近人所謂英雄造時世之意也

子路從而後遇丈人以丈荷篠包曰丈人老者篠草器名何晏集解本引包註作竹器按篠字從草不從竹當是去

草器禮維城曰篠說文作筱段氏注子路見丈人手用杖荷於肩行來至田則置杖於地用杖耜田子路問曰子見夫子乎丈人曰四體不

勤五穀不分孰爲夫子包曰丈人云不勤勞四體實足胼手胼也耕者沾不分殖五穀

稻梁或麥黍稷六穀也五則去茲不數誰爲夫子而索之耶鄭曰分猶理植其杖而芸孔曰植倚也除草曰

芸子路拱而立何日未知所答止子路宿殺雞爲黍而食之見其二子焉明日子路行以告子曰隱者也使子路反見之至則行矣孔子曰子路反至其家丈人出行不在子路曰鄭曰留言以語丈人之二子不仕無義長幼之節不可廢也君臣之義如之何其廢之孔子曰言女知父子相養不可廢反可廢君臣之義耶欲潔其身而亂大倫包曰倫道也理也君子之仕也行其義也道之不行已知之矣包曰言君子之仕所以行君臣之義不必自道得行孔子道不見用自已知之也

朱註

子路至而善 分辨也五穀不分猶言不辨菽麥責其不事農業而從師遠游也子路拱而立 知

其隱者而敬之 止子路至 二子焉 無明日至 使反見蓋欲告以君臣之義子路至 子路述夫子之意

如此蓋丈人接子路甚踞而子路益恭丈人因見其二子焉則於長幼之節固知其不可廢矣故因其所明以曉之倫序也人之大倫有五仕所以行君臣之義故雖知

道之不行而不可廢然謂之義則事之可否身之去就亦自有不可苟者是以雖不潔身以亂倫亦非忘義以徇祿也

又曰福州有廟初時爲本路下有反子二字以此爲子路反而夫子稱之也未知是否

愚按丈人出見二子其父子兄弟間必有愛敬友恭之情感入於子路心目間者此卽夫子所謂孝友可施於有政者也然丈人之於子路其接之若甚踞其禮之若有加其辭若格乎不相入其情又殷然而相遇子路幾不知丈人爲何許人矣夫子斷之曰隱者而子路始恍然渙然知丈人之爲丈人故反見之意出於夫子而反告之言必出子路朱子外注言福州本云云不足據也清按專制之世以君臣列五倫之首故曰大倫然以君言則爲一姓之私古有高尙其志天子不得而臣者史氏嘗讚美之何不可廢之有今君宜訓以國臣宜訓以身君臣之義卽以身爲國服務之義吾身不能離國而獨立斯爲國服務之義爲不可廢而仍當列於父子兄弟夫婦朋友之前子路之言意實如此特其時君與國渾而爲一故不

能辨而別之耳又按孔子自去魯後欲見用於列國因周遊陳宋鄭衛間且南遊

至楚則所謂君臣之義者子路告丈人不可廢君臣之義又曰君子之仕以行其義即是首孔子行君臣之義也並非如秦漢以後之事

事一姓今訓君爲國在孔子則當合中國而言如執專事一姓之說則孔子既仕魯即不當之他國周爲共主孔子作春秋義既尊王則其去魯後

即當至周而不當至魯王之德不知三代時王臣諸侯諸侯大夫大夫士士以下至與事亦各臣其臣合則割不合則去厥食其祿有不遷其難之義而非其私斷即可不列則其所謂君臣者固與秦漢以後異矣丈人之過雖何時何地不可

離政而以上二章權之當相去不遠則在孔子一面言君臣必非指魯君與周王且孔子亦不幸而於陳宋鄭衛與楚間不遇湯武之君耳設其間有王者起界孔子以伊尹太公周公之任而謂孔子仍內魯魯周恐無是理也夫孔子素慕之時者

也視天下如一家中國如一人者也其欲見用於列國欲行其道於天下也天下也者實言之即中國也其至楚者楚主中夏之盟已久所謂夷狄進於中國則中國之也然則孔子於君臣之義非必欲得一君而爲之臣以盡其義也實欲從事於

國以行其道即個人所願爲國服務之義也且孔子亦非拘拘於一國也實欲行其道於中國也故孔子之爲國服務當合中國而言也

逸民 何曰逸民者節行超逸者也 伯夷叔齊虞仲夷逸朱張柳下惠少

連包曰此七人皆逸民之賢者 子曰不降其志不辱其身伯夷叔齊與

鄭曰言其直己之心不入庸君之朝 謂柳下惠少連降志辱身矣言中倫

行中慮其斯而已矣 子曰但能言應倫理行應思慮如此而已矣 謂虞仲夷

逸隱居放言包曰放置也不復言世務也身中清廢中權馬曰清純潔也遭

世亂自廢棄以免患合於權鄭曰發動貌按鄭本我則異於是無可無不可馬

曰亦不必進亦不必退唯義所在鄭曰不為夷齊之清不為惠連之屈故曰異於是

朱註逸民至逸遺逸民者無位之稱虞仲即仲雍與太伯同盜荆蠻者夷逸朱張不見

經傳少連東夷人謂虞仲柳下惠事見上倫義理之次第也慮思慮也中慮言有意義

合人心謂虞仲仲雍居吳斷髮文身裸以為飾春秋傳秦伯適委以治周禮仲隱居獨善合乎道

之清放言自廢合乎道之權我則至孟子曰孔子可以仕則仕可以止則止可以久則

久可以速則速所謂無可無不可也

愚按夷齊柳下惠事見上夷齊事見公冶長魯惡章述而篇為衛君章季氏篇虞仲非仲雍乃仲

雍之曾孫周章之弟也周國价曰朱註謂虞仲即仲雍其可疑有六蓋六人皆周時人於西漢一仲雍似平

不類一也仲雍在夷齊之前百餘年而序之夷齊下二也雍之時在祖甲之世祖甲殷

之賢王雍父太王亦亦人正可以有為之時何以為世所逸三也雍終為吳君不為民四也夷齊并稱而稱仲雍不稱太伯

卒子季簡立卒子叔達立卒子周章立是時武王克殷求太伯仲雍之後周章已君矣因而封之乃封周章之弟虞仲於周之北故夏禮是為虞仲列於諸侯潘維城曰殷時有虞國詩所云虞芮質成者也武王時滅國封仲於其地也毛奇齡曰信

五年左傳太伯虞仲太王之昭也註家皆以為仲雍其誤甚矣仲即虞仲蓋追原所始出於仲雍而為太王之昭耳周章中曰史記稱仲雍為吳仲吳越春秋亦稱吳仲吳斗南綱無以孫之所封變爾字之理則虞仲非仲雍也潘維城說皆有理可

從也夷逸見說苑尸子顏師古漢書地理志注云虞仲即仲雍也夷逸言質於夷狄也或曰夷姓也尸子夷逸者夷

清按宜從說苑尸子朱張王弼以為即荀子所謂子弓者然不可攷王弼云朱張字子弓荀卿以此孔子按荀

策封之世不能汙子弓然荀卿書并未言子弓即朱張不謂王氏何所見而云然或曰朱張鄭本作朱張揚雄國三老箴負乘擅轡姦究朱張或曰即韓張驚懼說也或曰即語張或曰即佛張謂陽狂也皆通而為民則有夷奔逸於夷則有虞仲關

狂則有柳下惠少連也潘按柳下惠豈陽狂者此說殊非王氏謂朱張即子弓雖不可據然朱張要為人名少連見禮雜記及家語雜記少連大連善居夷三日不

家語畧謂仲封於虞而曰民以未封時言也惠仕士師而曰民以既黜後言也曰逸

民者蓋孔子平日所論定而記者記為先經起例之文也記朱張而無斷辭疑記

者偶逸之也七人皆有可有不可而夫子無可無不可孟子所謂聖之時者也

太師擊適齊亞飯干適楚 孔曰亞次也次飯樂師也擊干皆名鄭曰自師擊

以下八人皆平王時人三飯繚適蔡四飯缺適秦包曰三飯四飯樂章名也各

異師繚缺皆名也鄭曰亞飯三飯四飯皆舉食之樂鼓方叔入於河包曰鼓擊鼓

者方叔名也入謂居其河內播鼗武入於漢孔曰播猶搖也武名也按何公集解本註作鞀古字音通則

官有鼓人無鼓人有鼓師無鼓師則播鼗是可樂之微者鼗蓋鼓屬少師陽擊磬襄入於海孔曰魯哀公時禮毀樂崩樂人

皆去陽襄皆名也

朱註太師樂通所太師樂官之長亞飯至亞飯已下以樂侑食之官有樂食有燕食皆有樂以侑之如左傳晉平公飲酒師曠李嗣侍是也

鼓方叔入於河河內播鼗武鼗小鼓兩旁有耳持其柄而搖之則旁耳還自擊漢漢中今漢中漢水發源之地

地書播鼗少師至少師樂官之佐襄即孔子所從學琴者海海島也

愚按此八人皆魯哀公時樂官八人有謂殷紂時人者顧師古是也漢書禮志殷紂斯棄先祖之樂乃作淫樂以悅婦人樂官師紂抱其器而奔散或逃諸侯或入河海顧師古

註即論語所記太師樂之屬毛奇齡據此以為此漢書文本之太誓而古今人表以此八人列於伯夷叔齊之下文王之上明是殷紂時人其云齊楚秦蔡者皆論以今地於之也況齊楚秦蔡本是齊名在商時已有之周但因其地而封國耳且夫

子正樂係私訂未聞改正於朝朱子謂孔子正樂通師樂在官亦非也且既係春秋時事左氏何不書也且樂與箏同音陽與韻同音周本紀殷紂無道太師疵少師烈抱器而奔周齊微子爲之太師少師即疵也故本紀云剖比干囚箕子殷之

太師少師乃持其器奔周是也清按漢書言奔散言或適諸侯或入河海未舉樂官之名也亦未言適齊楚秦蔡也漢書文雖本太誓然乃多引太誓之文非太誓之原文即此文也今太誓無此文則尤不足據矣爾齊楚秦蔡是舊名既無證據

魯論以今地於之尤屬武斷疵瑕與樂陽近而字異豈必疵即樂陽乎且疵輒奔周何符其適齊入海乎孔子正樂何所見而云私訂平太師下大夫此外皆士其人賤則春秋不書左氏何必記乎毛說不足據也有謂八人為周平王時人者鄭康成註本之漢書古今人表是也有謂八人為周厲王時人者蕭石林據司馬遷論周厲王事曰師樂見之矣是也尚按此皆無確證以家語師樂以擊磬為官而能擊磬之則襄與孔子同時以夫子正樂而曰師樂之始洋洋盈耳當之則樂與孔子同時以齊楚秦燕晉之則皆春秋時則名當以魯哀公時人為斷 **太師下大夫也少師即小師士也** 周禮春官之屬先有大樂正大司

師下大夫二人小師即少師上士四人辨鐘上博四十人中辨百有六十人辨磬三百人今魯為諸侯常降天子二等然樂官當亦有餘人師樂下可致者有師樂師乙皆樂官也或又曰乙即樂也 **擊見前篇**

見奉襄見家語 家語孔子學琴於師襄子襄子曰吾雖以擊磬為官然德於琴今子於琴可益矣孔子曰某未得其人伯益 **襄見家語** 也有問又曰可益矣子曰某未得其志也有問又請益子曰某未得其為人也有問孔子曰某得其數矣近雖而然願而長獻如望羊奄 **禮天子十五飯諸侯十三大夫十一士九** 按儀禮鄭註天子十五有四方非文王其孰能如此乎 **禮天子十五飯諸侯十三大夫十一士九** 飯諸侯十三大夫十一

士九其詳雖不可知然故特牲禮每食一口謂之一飯每飯以三為節初飯在婦肝制祭取黍稷脯祭授尸時祝命安祭尸則取佐食所遺之黍稷食之食畢主人盥所俎於牀北尸三飯告飽是初飯也及佐食畢庶衆尸又三飯告飽是亞飯也祝

俯之如初舉盞及饋魚如初尸又三飯告飽是三飯也已上共三次飯每飯必三面後告飽此士禮也每飯必三者禮器天子一食諸侯再大夫士三蓋天子一食即告飽大夫士三食而後告飽也少牢禮自尸祭羊餼豕餼又齊羊餼之後食畢已

是三飯至饋成尸又食為四飯至舉魚尸又食為五飯至舉膾又食為六飯舉牢格又食為七飯祝曰泉尸未飽又俯之為八飯八飯之後尸不飯告飽主人拜俯尸又三飯為十一飯與特牲不同蓋大夫禮也天子諸侯之食及俯食之官當由此

推而知之清按特牲禮少牢禮雖皆以祭時之尸言而人之飯時亦由此類推之 **獨舉亞飯三飯四飯者餘人未奔散也** 或引白虎通禮樂篇

始也蓋食太湯之始也饋食少陰之始也齊食太陰之始也引此經義申之曰諸侯三飯卿大夫再飯魯卑之差也魯樂官自亞飯以下凡三蓋魯自有四飯其不記初飯者未去魯也或曰初飯不俯食無其官也云云清按據白虎通不如據儀禮

推而知之清按特牲禮少牢禮雖皆以祭時之尸言而人之飯時亦由此類推之 **獨舉亞飯三飯四飯者餘人未奔散也** 或引白虎通禮樂篇始也蓋食太湯之始也饋食少陰之始也齊食太陰之始也引此經義申之曰諸侯三飯卿大夫再飯魯卑之差也魯樂官自亞飯以下凡三蓋魯自有四飯其不記初飯者未去魯也或曰初飯不俯食無其官也云云清按據白虎通不如據儀禮

之爲得也 鼓譟者革也 鼓之名見於周禮者中士六人所掌不一鼓非特也 磬者石也無金竹絲鞀土木者其人亦未奔

散也河漢海當以水濱言之不必河內漢中之地與海之島也 明若漢曰古註河爲河內非也古所謂河內者在冀

州三面距河之內非若漢郡之但以懷汲爲河內史記正義曰古帝王之都在河東河北故呼河北爲河內河南爲河外又曰河從龍門至希陰東至衡州東北入海曲繞冀州故宮河內豈此鼓方叔當日去魯與入冀州河之北乎抑不過居於河

之濱即云入耳按此解入河非河內最通而確情按然則漢與海亦只是漢海之濱不必言漢中海島也 亞飯已下未必皆賢此蓋孔子反魯正樂管

與諸樂官考訂講習至此而風流雲散繫人深思耳

周公謂魯公孔曰魯公周公之子伯禽也封於魯曰君子不施其親孔曰施易也不以他人親易其親也不使大臣怨乎不以孔曰以用也怨不見聽用也故舊無大故則不棄也孔曰大故謂惡逆之事鄭曰大故爲惡逆之事無求備於一人

朱註 周公至一人 施陸德明本作弛福州本同弛遺棄也 陸德明曰弛不相離也 大臣非其人則去之在

其位則不可不用

愚按此蓋伯禽就封周公誡之其辭在策命之外故記者特著之也夫子之於原

壤有曰親者無失其為親也故者無失其為故也又其對哀公有曰敬大臣體羣臣皆足與此相發明

周有八士伯達伯适仲突仲忽叔夜叔夏季隨季騶包曰周時四乳

得八子皆為顯士故記之今咸通北有八士騶馬曰宣王時鄭曰周公相成王時所生

朱註周書季騶時不可考

愚按八士說經家以為文武時人疑其近是

晉語存臣謂晉文公曰文王即位於八虞賈氏註周八士皆在虞官引此經八人為証是文王時人也然八

虞果即八士否無明文也春秋繁露文王得八男皆君子惟後此實是州武王母弟八人而齊周公康叔聘季及無官之五叔然亦非八士之親也惟逸周書武王克殷命南宮忽振鹿臺之財南宮伯适運九鼎三巫是武王時也又實和博古圖有南宮仲成以為即仲突仲忽又逸周書云厲厲於尹氏八士又云尹氏八士成作有禮是八士姓尹氏也曰南宮者古人命士以上父子與宮又可以所居為氏故稱南宮也南宮伯适即書之南宮适也清按此說本之江聲穀瀨發坊論語一書記孔子與諸弟子之言行以垂教於萬世者也此篇雜載柳下惠周公之言師學諸人及八士之事蓋其言語事實皆魯人素所稱述故類記也

論語稽

微子稽第十八終

後學黃岡高鸞翔松軒校字

論語稽

遵義宦懋庸伯銘學

男應清誨之校註

後學 黃國王文敷
金樹子漸遠吉宜 參校

子張稽第十九

子張曰士見危致命孔曰致命不愛其身也見得思義祭思敬喪思哀

其可已矣

身疏此為凡二十四章大分為五段總明弟子原即記言行皆可或則第一段子張語第二
段子夏語第三段子游語第四段曾子語第五段子實語此是第一段子張語自有二章也

朱註子張至 致命者謂委致其命猶言授命也四者立身之大節一有不至則餘無足

觀故言士能如此則庶乎其可矣

愚按致命者不為害所怖思義者不為利所動敬出於至誠哀發於至情四者皆

心為之主者也故必用思士能如此其亦可矣

子張曰執德不弘信道不篤焉能爲有焉能爲亡孔曰言無所輕重也

與破世無此人不足爲輕世有此人不足爲重

朱註子張至有所得而守之太狹則德孤有所聞而信之不篤則道廢

愚按有所得於心而苟且小就知爲當行之路而游移不定此其於道德也以爲有則終於無所成就而不能爲有以爲亡則又嘗執之信之而未嘗全亡有亡之界不分則有者終歸於亡亡者飾以爲有將何以不忘所有而求知其所亡者哉此章與有若亡亡爲有知所亡無忘所能各章相發明有亡以道德言者也

子夏之門人問交於子張孔曰問與人交接之道也子張曰子夏云何對曰子夏曰可者與之其不可者拒之子張曰異乎吾所聞君子尊賢而容衆嘉善而矜不能我之大賢與於人何所不容我之不賢與人將拒我如之何其拒人也包曰友交當如子夏汎交當如子張鄭

日子夏所云倫黨之交也子張所云尊卑之交也王日子夏所云敵體交子張所云覆

蓋交

與疏此第二段是子夏語自有十一章請按此章語意子夏子張各有得失非以子夏為主也

朱註子夏至拒人也子夏之言迫狹子張譏之是也但其所言亦有過高之弊蓋大賢雖無所

不容然大故亦所當絕不賢固不可以拒人然損友亦所當遠

愚按子夏門人古載記略可攷見

史記儒林傳子夏居西河田子方段干木吳起曾許之湯曾受其學漢書文志詩有毛公之學自謂子夏所傳經義釋文徐整云子夏授

高行子一云子夏傳會中又春秋有公孫高設學亦二傳曾子夏弟子又史記子夏為魏文侯師

其問於子張蓋亦旁證參攷之意聖人體無不

備賢者質有所偏以偏師備則各取其性之所近者尊所聞而立業焉說本子夏

不及故以與拒為主

與拒之語其出於夫子與否不可知然夫子嘗曰毋友不如己者即不可者拒之意也

子張過中故以尊嘉矜容為

主

韓詩外傳子夏謂堂衣若曰君子尊賢而容衆嘉善而於不能正與子張所聞同疑其同關於夫子也

然深味其語意可者與不可者拒所以正

濫交之失而非胞與之量也尊賢容衆嘉善矜不能所以立下交之準而非同門

同志之誼也若述夫子之教弟子者曰汎愛衆而親仁則無一偏之弊矣

子夏曰雖小道必有可觀者焉鄭曰小道如今諸子書也何曰小道謂異端也致遠恐泥是以君子不爲也包曰泥難不通也鄭曰泥謂滯陷不通

朱註子夏至不爲也小道如農圃醫卜之屬

愚按道猶路也其造端自愚夫愚婦及其至而察乎天地此堯舜禹湯文武周公孔子之所傳者所謂大者也譬之四達之衢無往而不宜也其諸子百家一切名物象數藝術之屬則小者也雖其具體甚微然往往獨出新意別具妙理足以移人好尚特主於一偏不入異端卽爲曲學不能推之而準以入聖賢之域譬之千歧萬徑各分一途而不能通行無阻也是以君子爲其大而不爲其小

漢書藝文志東平王匡傳後漢

書藝文志引此經并作孔子語滑按古人引書大抵隨意引列不惟人有誤引即文辭亦間有歧異不必援之以駁經也

子夏曰日知其所亡孔曰日知其所未聞也月無亡其所能可謂好學也已矣

未註子夏至亡無也謂己之所未有

愚按人之為學特患得失不自課耳若以日計而尺寸有所得以月計而積久無所失則一歲為月十二為日三百六十皆修業之時一生自十五至七十皆進德之年其所造豈可限量哉子夏以為好學蓋欲人之自勉也按後漢書列女傳引此經上二句作孔子語

子夏曰博學而篤志孔曰廣學而厚識之也切問而近思何曰切問者切問於己所學而未悟之事也近思者近思於己所能及之事也若汎問所未學遠思所未達則於所學者不精於所思者不解仁在其中矣

朱註子夏至其中矣四者皆學問思辨之事耳未及乎力行而為仁也然從事於此則心不外馳而所存自熟故曰仁在其中

愚按博學而篤志則於多聞多見之中有專向而無泛濫矣切問而近思則其辯難質疑之下有實驗而無空談矣心不泛用則此理之存於中者自生生而不息

故曰仁在其中清按此與中庸言學問思辨行者不同中庸五者并列誠之之目也此言博學而篤志切問而近思兩而字有重義蓋以學問為經以篤志近思為緯也

子夏曰百工居肆以成其事君子學以致其道包曰言百工處其肆則

事成猶君子學以立其道也

朱註子夏至其意肆謂官府造作之處致極也工不居肆則遷於異物而業不精君子不學

則奪於外誘而志不篤尹氏曰學以致其道也百工居肆必務成其事君子之於學

可不知所務哉

愚接肆極陳也本說凡陳物必有其所居之處市廛為凡百貨物之所居故亦通

名肆以喻學者蓋詩書及畢生切身之用皆在學中猶貨物之陳於肆中也事業

也致如致知致曲之致推極也見學庸又按訓左傳致師之致亦通

子夏曰小人之過也必文孔曰文飾其過不言其情實也

朱註子曰至必文文飾之也小人憚於改過而不憚於自欺故必文以重其過

愚按過者失中之謂也必者決其必如是也文者孟子所謂順之而又爲之辭者也一必字而小人之情狀心術見矣

子夏曰君子有二變望之儼然卽之也溫聽其言也厲鄭曰厲嚴正也

朱註子夏至儼然者貌之莊溫者色之和厲者辭之確也

愚按君子者成德之名貌之莊色之和辭之確皆德之著也德成於中而著乎外在君子祇一德之發見而自人觀之覺其忽若可畏忽若可親忽又凜乎若不可犯則以爲變矣子夏言此蓋欲觀君子者自審也

子夏曰君子信而後勞其民未信則以爲厲已也鄭曰厲讀爲賴恃賴也信而後諫未信則以爲謗已也

錢站曰左傳昭四年滅賴公羊作厲又公羊傳十五年釋文厲初音賴是厲賴古字通也朱註子夏至信謂誠意惻怛而人信之也事上使下皆必誠意交孚而後可以有爲

愚按信謂己之誠意感而孚之以平日言之也誠不足感孚於人而孤行己意其不上下交怨者幾希

子夏曰大德不踰閑小德出入可也 孔曰閑猶法也小德則不能不踰法

故曰出入可也

朱註子夏至可也大德小德猶言大節小節閑闌也所以止物之出入言人能先立乎其大者則小節雖未盡合理亦無害也

愚按閑如門之有限所以限人出入者也德謂德行大德如倫常名教之事小德則一切細行皆是也出入謂去閑不遠偶有出入非謂不用閑也謂按舊曰不於細行終

是出入於閑之內外不備大德於閑可者僅可而有所未盡之辭 翟源曰韓詩外傳孔子遺程本子於刻之間頗蓋而語終日

子游曰子夏之門人小子當洒掃應對進退則可矣抑末也本之

不中道相見孔子曰大德不踰閑小德出入可也 蓋孔子之言而子夏述之也清按此可備一說

則無如之何 包曰言子夏弟子但於當對賓客修威儀禮節之事則可然此但是人之末事耳不可無其本也故云本之則無如之何 子夏聞之曰噫言游過矣孔子曰噫心不平聲 君子之道孰先傳焉孰後倦焉 包曰言先傳大業者必先厭倦故我於門人先教以小事後將教以大道也 譬諸草木區以別矣 馬曰言大道與小道殊異譬如草木異類區別言學當以次也 君子之道焉可誣也 馬曰君子之道焉可使誣言我門人但能洒掃而已也有始有卒者其唯聖人乎孔子曰始終如一唯聖人耳

朱註

子游至如之何

子游譏子夏弟子於威儀容節之間則可矣然此小學之末耳推其本如

大學正心誠意之事則無有

子夏至人乎

倦如誨人不倦之倦區猶類也言君子之道非以

其末爲先而傳之非以其本爲後而倦教但學者所至自有淺深如草木之有大小其類固有別矣若不量其淺深不問其生熟而概以高且遠者強而語之則是誣之

而已君子之道豈可如此若夫始終本末一以貫之則唯聖人爲然豈可責之門人

小子乎

愚按門人對師之稱小子對長者之稱子游譏子夏之門人小子

潘維城曰經讀致與訓宜以子夏門人爲句而

小子屬下讀乃門人之幼者也否則經文復出無謂矣

但可當洒掃應對進退之事

周禮掌掃除糞洒先節註洒當爲灑後鄭據古

文論語定爲洒與美曰灑者以水揮地及驅除令不掃塵然後掃之少成所稱凡掃也洒乃洗滌之義毛詩弗洒弗掃於樂洒掃洒掃庭內左傳洒灑其心皆謂既掃之後洗滌其門戶掃刷也掃說文作掃葉也

有其末而

無其本子夏直言子游過者朋友相規之義先後始卒皆對子游本末而言草木

以喻道亦有本有末之物也言君子教人非有末而無本特道有當先當後其傳

之也何者宜先何者可倦而後

毛奇齡謂傳即古舉字傳與券皆古印與傳信之物一如教者與學者相和印契故借其名曰傳曰倦清按此可備一說然失之豈矣當依朱註如壽人

不倦之傳傳字與傳字正相反傳者傳於傳也

正如生植之物其區萌有先後之別

清按說文區從品在匚中品衆也此區爲品類之區謂區其品類以別之也唯樂記草木

茂區萌生曰區此謂區爲草木之萌較長

若不分先後而必教人以所難能則是誣之矣君子之道豈可

如此有始有卒謂本末兼賅也其唯聖人乎言非門人小子所能也

子夏曰仕而優則學馬曰行有餘力則以學文也學而優則仕

朱註子夏至則仕優有餘力也仕與學理同而事異然仕而學則所以資其仕者益深學而

仕則所以驗其學者益廣

愚按仕優而不進之以學必貽無術之譏學優而不見之於仕則無實事之驗

子游曰喪致乎哀而止孔曰毀不滅性也幾處此下第三段子游語自有二章

朱註子游至而止致極其哀不尚文飾也

愚按致推而極之也禮問喪云故哭泣辨踊盡哀而止矣正與此章語意同蓋禮

本人情哀之有餘不足皆失其中不能致哀者不及也哀而不止者過也錢古曰喪過乎哀過

而卒者也雖過而哀是亦過矣故曰致哀而止謂按與易事感與其哀不足而過有餘不若禮不足而哀有餘此先有易字有禮字故曰事感曰不若哀有餘此章非其例也宜從孔註故曰致乎哀而止

子游曰吾友張也為難能也包曰言子張容儀之難及也然而未仁

朱註子游至未仁子張行過高而少誠實惻怛之意

愚按難能者謂其有不可及之處也其所以不可及者即下章所謂堂堂也此論

語連類記之自相發明之例也

曾子曰堂堂乎張也難與並為仁矣 鄭曰言子張容儀盛而於仁道薄也

皇疏此以下第四段 曾參之言自有四章

朱註 曾子至 為仁矣 堂堂容貌之盛言其務外自高不可輔而為仁亦不能有以輔人之

仁也

愚按荀子曰弟作其冠神灑也 灑神也 其辭 謝氏校本弟作弟 弟作神灑為神灑 禹行而舜趨是子張氏之賤

儒也此所謂堂堂也 說本 終始 堂堂則相對而難與之近 毛奇齡曰魏武兵并無堂堂之軍越絕 齊此邦堂堂披山帶河後漢書陳留傳區

區兩部以禦堂堂之殊皆言相 對難與之近也詩按此證其確 故難與並為仁然子張卒以仁見許於夫子 大戴禮術將軍文子 若曰業功不伐貴位

不喜不侮可侮不伐可快不傲無害是顯係師之行也孔子言之曰其不伐則 然可能也其不斃百姓則仁也詩云對弟君子民之父母夫子以其仁為大也 殆子游與曾子相規之力歟

請按此當與 前章參看

曾子曰吾聞諸夫子人未有自致者也必也親喪乎 馬曰言人雖未

能自致盡於他事至於親喪必自致盡也

朱註曾子至喪乎致盡其極也蓋人之真情所不能自己者

愚按致訓盡其極者言竭盡無餘也自之云者出於性情之真摯不待勉強自然而然也凡人用情於他人皆視其恩誼之厚薄未有自然竭盡無餘者唯父母之喪其哀切出於天性不必有意為之而自然竭盡無餘也

曾子曰吾聞諸夫子孟莊子之孝也其他可能也其不改父之臣與父之政是難能也馬曰孟莊子魯大夫仲孫速也謂在諒闇之中天子居喪乃稱諒闇大夫居喪孟氏

大夫也馬註誤父臣及父政雖不善者不忍改之也

朱註莊子父獻子有賢德而莊子能用其臣守其政故其他孝行雖有可稱而皆不若此事之為難

愚按莊子父子事見春秋傳

獻子名蔑慶父之後文伯殺之子也莊子名連獻子相實成襄三君於孟氏為最賢其見諸事者有友五人而不欺狹其加人一等而不有其家房裏則顯不

樂而節不入齊則事盜臣而無獻臣魯其二年請城虎牢以備鄭晉悼新立共與魚石以整荆師既已甚知鄭卿之當厄將事不教料鄭氏之必亡取孟父之勇而收登城懸車之功實已氏所生而致句難吳邱之死固得三家中之佼佼者也卒於襄十九年八月莊子年少嗣立與季武子同朝武子之父季文子相三君而家無私積武子處反其父所為而莊子乃不改其父之臣與政其生平見於世者斬木以為公翠濞海陸以衝鄭邑毀宮而重與之平伐鄭而報其慶慶雖惡舍秩立獨乘疾而為其制似用人不當然威孫離為所愚及莊子卒猶哀而泣之則其有以感人可知矣 用人行政為治亂成敗之所關先人之善者百

世不改可也若其不善正當幹父之蠱安得不改夫子謂孟莊子不改為難能蓋

以其父獻子之賢其人其政無有不善故也

周國价曰襄十一年季武子作三軍三分公室季氏有其二孟叔各有其一叔孫穆子賈滅其半不臣父兄但

臣其子弟孟獻子尤賢又誠而只臣其子弟之半於其役也之入四而取一仍以其三還之公不然則臣皆私家之臣政皆私家之政公室子立矣又分室以穆孟氏所入無多而當一軍之任則其損已益上可見矣獻子卒莊子立會當盟向伐福其時命命出於季氏以一子任其任之中任疆場之事其因禍度不給而解其臣其政改變仍章成如季氏也所有而取之或如叔氏不臣父兄而盡臣其子弟亦時勢使之然者也而莊子毫不更張亦以孝作忠者德能之乎清按此以臣政為取於公之臣政亦可備一說此與三年無改父道章意同

孟氏使陽膚為士師鄭曰慶父抗轉稱死時人為之諱故云孟氏

潘維城曰鄭此註見檀弓正義查公羊傳

元年傳云慶父抗轉而死鄭重本此 包曰陽膚曾子弟子也士師典獄官 問於曾子曾子

賦在東謂鄭註稱字乃經字之誤是也

曰上失其道民散久矣如得其情則哀矜而勿喜馬曰民之離散為輕
漂犯法乃上之所為非民之過也當哀矜之勿自喜能得其情也

朱註孟氏至民散謂情義乖離不相維繫

愚按政教不逮於民而蚩蚩之衆或以一朝之忿或以一日之饑寒自罹於法為

上者執法而殺之已屬不教而誅矣若不傷民之不治而反自喜於能得其情則

民不將死有餘憾哉哀矜以心術言非於法有出入也語義城曰曩遠論後利來會子曰夫

尊夫不傷民之不治而伐己之能得為射弋者觀鳥獸挂罾罾而喜也某淵曰律將外傳三引傳曰得有父子訟者凡子曰夫民父子訟之為不義久矣是為上失其道書大傳子曰聽訟雖得其指必哀矜之死者不可復生斷者不可復續云云據

此則此為夫子之言而會子述之以告陽膚也清按可備一說

子貢曰紂之不善不如是之甚也是以君子惡居下流天下之惡

皆歸焉孔曰紂為不善以喪天下後世憎甚之皆以天下之惡歸之於紂也皇疏此以下第五段

是子貢語自有五章

朱註子貢至下流地形卑下之處衆流之所歸喻人身有污賤之實亦惡名之所聚子

貢言此欲人常自警省不可一置其身於不善之地非謂紂本無罪而虛被惡名也

愚按千古惡名紂獨當之紂豈無一毫之善哉特親小人而遠君子集衆小人之

惡爲紂一人之惡耳按紂事多過實路史蒙
原開疑是蓋百之甚詳若祇紂一身爲惡何至如是之甚惟集衆

惡以爲惡所以天下之惡皆其惡也清按專制之君其爲衆惡之所歸如此則亦

何樂乎爲君哉此君主政體之所以日歸消滅而世界日趨於大同也

子貢曰君子之過也如日月之食焉過也人皆見之更也人皆仰

之孔曰更改也

愚按地與月繞日而行天文家就地球南北而縱分之謂之度又由東西而橫截

之謂之道日距地遠而月行於地與日之間若合朔之時月與地同度同道則日

爲月所掩而日食月本無光借日之光以爲光若對望之時月與日對度對道則

光爲地所隔而月食凡交食之分數皆由同道對道之度數多寡而然

詳見邵晉六書略平壤中

此大日月本常明其食者則偶蔽之耳君子之行豈無偶蔽之時惟偶蔽而旋復

於明所以爲君子之過皆見皆仰正以見君子之心無一毫之開私也

衛公孫朝馬曰朝衛大夫也

左傳昭二十六年魯有戊大夫公孫朝哀十七年楚有武城尹公孫朝又列子記子產之弟曰公孫朝此鄭之公孫朝也又季札聘衛說公孫朝此公子也故書衛

公孫朝以別之

問於子貢曰仲尼焉學子貢曰文武之道未墜於地在人賢

者識其大者不賢者識其小者莫不有文武之道焉夫子焉不學

而亦何常師之有 孔曰文武之道未墜落於地賢與不賢各有所識夫子無所

不從其學也無所不學故無常師

朱註子貢至之有文武之道謂文王武王之謨訓功烈與凡周之禮樂文章皆是也在人言

人有能記之者識記也

愚按僅以學言則學琴於師襄問禮於老聃學樂於萇弘問官於鄰子皆是也然

特學中之一事耳若論其大則自堯舜禹湯傳之文武周公至孔子而集羣聖之

大成者也此獨言文武者從周之義且古來法制至文武而大備也

叔孫武叔語大夫於朝馬曰魯大夫叔孫州仇也武諡也武叔成子不殺之子也叔孫氏出於桓公子叔牙故與孟季並

桓三曰子貢賢於仲尼子服景伯以告子貢子貢曰譬諸宮牆賜之

牆也及肩窺見室家之好夫子之牆數仞不得其門而入不見宗

廟之美百官之富得其門者或寡矣包曰七尺曰仞夫子之云不亦

宜乎包曰夫子謂武叔

朱註子服至牆卑室淺夫子至不得其門而入則不見其中之所有言牆高而宮廣也

愚按仞註家或言七尺或言八尺以周禮溝洫澮深廣之文攷之當以八尺為斷

段忠堂曰仞王肅增按王逸曹操李荅顏師古勞玄船鮑彪陸人竝曰八尺而鄭氏周禮禮記高誘呂氏春秋註王逸大
招招魂註李達明堂制度論郭璞可馬相如賦註陸德明莊子釋文則皆謂七尺程瑤田曰構棟方音云度廣曰尋杜預左
傳傳溝洫注度深曰仞二書皆言人伸兩手以度物之名而尋必八尺仞必七尺者謂一伸手度物而廣深用之比勢不得
不異人長八尺伸兩手亦八尺用以度廣其勢委伸而不屈而用以度深則必上下其左右手而側其身側則胸與所度

之物不能相摩於是兩手不能全伸而成弧形而求其弦以爲仍必不備八尺故七尺曰仍亦其勢然也毛奇齡曰說文仍者伸臂一尋八尺五仍義同考故周禮匠人作治廣與深俱兩其八尺謂之廣二尋深二仍也仍與躬通躬爲履輪木楸子太玄云單葉報謂以木橫地而止輪之轉者竊以爲當車正指尋禮爲伸臂所度木也則仍當斷作八尺張文彬曰周禮本文所四尺深四尺謂之溝廣八尺深八尺謂之漚則深廣必均加數必倍此不曰各八尺而曰尋切者特互具其名以示典例耳安得治之深廣成廣一尺與漚漚不同耶漚按說可從

古者自天子至士所居皆可稱宮

清按天子曰王宮諸侯曰公宮大夫曰大夫宮士曰士宮

示典例耳安得治之深廣成廣一尺與漚漚不同耶漚按說可從

宮必有牆園繞之

禮維城曰丁希曾謂宮如解雅大山宮小山宮之宮園繞之也禮君爲庭宮之又備有一畝之宮鄭註宮垣也左上父子皆其宮此士之稱宮也

苟面牆而立見彼之好室家之好以聊不見此之美富宗廟之美卿大夫士皆有之百官之富則天子諸侯之宮矣豈可妄肆譏評哉武叔權臣也其言一出則必有希承風旨者從而附和之此景伯所以不能不告而子貢所以不能不辨也

不能不告而子貢所以不能不辨也清按正義曰夫子沒後諸弟子切礪以成其學故當時有若則似

可見子貢晚年進德之功矣

叔孫武叔毀仲尼子貢曰無以爲也仲尼不可毀也他人之賢者丘陵也猶可踰也仲尼日月也無得而踰焉人雖欲自絕其何傷

於日月乎多見其不知量也 何曰言人雖欲自絕棄於日月其何能傷乎適足自見其不知量也

朱註叔孫至量也無以為猶言無用為此土高曰邱大阜曰陵日月喻其至高自絕謂以毀

謗自絕於孔子多與祇同適也不知量謂不自知其分量

愚按魯三家唯孟僖子最知孔子季氏則桓子雖不知孔子猶嘗引而用之康子

則所用皆孔門弟子是猶知孔子者也叔孫武叔以下材據高位妄謂孔子不若

子貢而又非毀之列子仲尼篇陳大夫聘魯見叔孫氏叔孫曰吾國有魯人曰非孔丘耶曰是也何以知其量乎叔孫曰吾聞顏回曰孔丘能磨心而用形濶濶曰稱善人而以磨心用形為百亦毀善人之一

也始子貢之言猶前章之意丘陵屬地地雖高人得登其上而踰之而高者卑矣日

月麗天人不能登天而踰之則日月之高為不可及量者高卑之分量也清按今

之欲廢孔教孔祀者皆自絕於日月者也夫亦多見其不知量而已矣於孔子何

傷之有

陳子禽謂子貢曰子爲恭也仲尼豈賢於子乎子貢曰君子一言以爲知一言以爲不知言不可不慎也夫子之不可及也猶天之不可階而升也夫子之得邦家者孔曰謂爲諸侯若卿大夫也所謂立之斯立道之斯行綏之斯來動之斯和其生也榮其死也哀如之何其可及也孔曰綏安也言孔子爲政其立教則無不立導之則莫不興行安之則遠者來至動之則莫不和穆故能生則見榮顯死則見哀痛也

朱註

陳子禽至子乎

爲恭謂爲恭敬推遜其師也

子貢至不愾也

責子禽不謹言

夫子至升也

階梯也

士喪禮後有林

蓋則虞人設階無林則於人設階與此階字義正同

大可爲也化不可爲也故曰不可階而升

夫子至可及也

立之謂植其生

也道引也謂教之也行從也綏安也來歸附也動謂鼓舞之也和所謂於變時雍言其感應之妙神速如此榮謂莫不尊親哀則如喪考妣程子曰此聖人之神化上下與天地同流者也

愚按子禽雖在聖門於聖道素無所見清按子禽在論語凡三見除此章外一則問夫子之聞政為求之與之一則疑伯魚之有異聞其於聖道毫無所見已可知矣
 其謂仲尼不賢於子貢則其識見正與叔孫輩等耳子貢既深資之又歷舉夫子之神化以告之蓋規勸之義也

論語精

子張稽第十九終

後學黃岡高鸞翔松軒校字

論語精

遵義宦懋庸伯銘學

男應清誨之校註

後學 賈國王莫中文袁金植于漸遠古宜 參校

堯曰稽第二十

堯曰咨爾舜天之曆數在爾躬鄭曰曆數在汝身謂有圖錄之名未漢初儒者言

帝王受命有符瑞之徵於皇始有圖錄之說鄭以註經非也何曰曆數謂列次也允執其中四海困窮天祿永終包

曰允信也困極也永長也言為政信執其中則能窮極四海天祿所以長終也清按包訓因

與然以大禹說上下文求之宋註為長舜亦以命禹孔曰舜亦以堯命己之辭命禹也曰予小子履敢

用丕牡敢昭告於皇皇后帝孔曰履殷湯名也皇說湯名乙而此言履者白虎通云湯本名履克夏以後欲從殷家生子以目為名故改

名乙以為殷之家法按詩商頌曰天命玄鳥降而生商玄鳥者燕也燕古字作乙乃象形字則湯本名乙乃燕字之義非甲乙之乙然則世謂湯本名天乙孔安國謂克履後乃更名履是也皇氏據白虎通者非也此伐桀告天文

論語精

堯曰稽第二十

殷家尙白未變夏禮故用玄牡

按弓夏后氏尙黑大事飲用青或事乘璽牲用玄般人尙白大事飲用日中或事乘夏所尙而用玄牡也 皇大也后君也大大君帝謂天帝也墨子引湯誓其辭若此鄭曰皇王

后帝按本並謂太微五帝在天爲上帝分主五方謂五帝清按此亦漢儒說與前圖備註均不可從用玄牡者爲

舜命禹事清按履乃湯名鄭命禹事則履字將何以解之耶於時總告五方之帝莫適用皇天大帝之性有罪

不敢赦包曰從天奉法有罪者不敢擅赦帝臣不蔽簡在帝心鄭曰簡閱在

天心言天簡閱其善惡也何曰言桀居帝臣之位有罪過不可隱蔽以其簡在天心故

也朕躬有罪無以萬方萬方有罪罪在朕躬孔曰無以萬方萬方不預也

萬方有罪我身過也周有大賚善人是富何曰周周家也賚賜也言周家受天

大賜富於善人也有亂臣十人是也清按何註與朱子異從朱註爲長雖有周親不如仁人百姓

有過在予一人孔曰親而不賢不忠則誅之管蔡是也仁人謂箕子微子來則用

之也清按此善惡之辭在伐紂時所管蔡實微事在後孔註誤謹權量審法度修廢官四方之政行焉包曰權

稱也量斗斛也興滅國繼絕世舉逸民天下之民歸心焉所重民食

喪祭孔曰重民國之本也重食民之命也重喪所以盡其哀重祭所以致敬也寬

則得衆信則民任焉清按何晏集解皇疏本無信則民任五字敏則有功公則說孔曰政教公平

則民說按何晏集解本作公則民說凡此二帝三王所以治故傳示後世也皇疏此篇凡有三章雖初稱堯曰而可通衆書故其章內並陳二帝三王之德也說

此一章中凡有五項自諸帝至天祿永終爲第一是堯命授舜之辭又下云舜亦以命禹爲第二是記者序舜之命禹亦同堯命舜之辭也又自曰予小子履至躬在朕躬爲第三是湯伐桀告天之辭又自周有大賚至在予一人爲第四是明周武伐紂之文又自其權量至章末爲第五則二帝三王雖有揖讓與干戈之異而安民取治之法則同又下次子張問章明孔子之德同於堯舜禹聖也上章諸書所以能安民者不出尊五美屏四惡而孔子非不能爲之前時不值耳故下又一章不知命無以爲君子以明孔子非不能爲而不爲者知天命故也

朱註堯曰至永終此堯命舜而禪以帝位之辭咨嗟歎聲曆數帝王相繼之次第猶歲時節

氣之先後也中者無過不及之名四海之人困窮則君祿亦永絕矣戒之也舜亦以命禹舜

後禪位於禹亦以此辭命之曰子至朕躬此引商書湯誥之辭蓋湯既放桀而告諸侯也與

書文大同小異曰上富有湯字履蓋湯名簡閱也言桀有罪己不敢赦而天下賢人

論語精義

皆上帝之臣已不敢蔽簡在帝心唯帝所命此述其初請命而伐桀之辭也又言君

有罪非民所致民有罪實君所為見其厚於責己薄於責人之意此其告諸侯之辭

周石至是言此以下述武王事賚予也武王克商大賚於四海此言其所富者皆善人也詩

序云賚所以錫予善人子夏詩序曰賚大封於廟也賚予也言所以錫予善人也鄭箋武王伐紂時封諸侯有功蓋本於此雖有至一人此周書秦晉

之辭周至也言紂至親雖多不如周家之多仁人此引孔穎達疏法度禮樂制度

也按宋此注不歸心焉興滅繼絕謂封黃帝堯舜夏商之後舉逸民謂釋箕子之囚復

商容之位樂記封王子比干之醢釋箕子之囚式商容四而復其位三者皆人心所欲也所重民食與祭武成曰重民五教惟食喪

祭則則至此於武王事無所攷恐或泛言帝王之道

愚按曆數者帝王統紀所歷之數也天皇地皇人皇之世荒杳難稽自伏羲神農

黃帝顓頊高陽高辛而至於陶唐其數略可紀載堯舉舜為相二十有八載天與

之人歸之堯仰觀俯察知天之曆數在舜故遜以位而命之如此執中者危微精

一之傳世所謂道統也 書大禹謨人心惟危道心惟微惟精惟一允 困窮永終戒之使知所慎也

書大禹謨汝猷慎乃有位敬修其可顯四海因窮天祿永終 此三句今皆載大禹謨為舜命禹之詞蓋舜受之堯而授之

禹也 古今惟舜所遺是第一奇事上有堯以爲之君下有禹以爲之臣雖父頑母嚚弟傲而卒能克禪厥父其居位百年

不特事功易就即受授亦不待煩言後來如文王以王季爲父武王爲子無平近之然功歸不歸舜遠矣故時命遂

三者贊天之 湯之言據湯詰則歸自克夏而告萬方也 書湯誥王歸自克夏至於亳誥告萬方又曰肆

於上天神后請罪有夏又曰爾有善朕弗敢蔽罪當朕躬弗敢自赦惟爾在上帝 據墨子則禱旱也 兼覽下篇湯

之心其爾萬方有罪在予一人予一人有罪無以爾萬方其文辭與論語微異 據呂氏春秋則克夏後而禱旱

不敢赦有罪不敢赦爾在帝心萬方有罪即當朕身朕身有罪無及萬方 據呂氏春秋則克夏後而禱旱

也 呂氏春秋慎大覽云樂爲無道湯憂天下之不寧與伊尹盟示必滅夏商則早湯猶憂帥以備伊尹之盟又春秋紀云湯

也克夏而天大旱湯以身禱於桑林曰余一人有罪無及萬夫萬夫有罪在余一人 清按說經家每以湯詰之偈以爲

禱聖詩傳亦稱湯之救旱禱於山川與墨子呂氏合又周禮 此當以湯詰爲據 清按說經家每以湯詰之偈以爲

內史述引湯誓余一人有罪無以萬夫萬夫有罪在余一人 從耶仍以 用玄牡者克夏初歸服色未改故仍尙夏色也以上堯舜禹湯之統明矣

記者復記周事以繼其序周有大賚二句記者之辭也雖有周親四句記者引泰

誓以爲證又見湯武之道之合也 清按觀不如仁即富得之惡亦即帝位不祿之意也百姓過在一入即

視除開公為太宰旅叔為司徒聘季為司空外五叔 權者銖兩斤鈞石也 漢書律歷志衡平也權重也衡所以任

無官是親不如仁之股至管蔡微箕畢則在後也 之正繩之直左旋見規右折見矩在天曰玉衡在車曰衡衡權之數曰銖兩斤鈞石所以稱物平施知輕重也五權之制以

義立之以物均之銖者物由忽微至於成者可殊異也兩者兩黃鐘律之重也二十四銖為兩者二十四氣之象也斤者明

也三百八十四銖易二斤之象也十六兩成斤者四時乘四方之象也鈞者均也成就均也均重萬一千五百二十銖者

萬物之象也四百八十兩者六旬行八節之象也三十斤成鈞者一月之象也石者大也權之大者也始於銖兩於兩明於

斤均於鈞終於石物終石大也衡運生規圓生矩短 量者侖合升斗斛也 律歷志曰量所以量多少也本起於

方生繩繩直生準準正則平衡而均權矣是為五則 黍中者千有二百實其侖以井水準其槩合侖為合十升為斗十升為斛而五穀焉矣其法用銅方尺而圖其外

旁有麻焉其上為斛其下為斗左耳為右耳為合侖其狀似爵以歷爵上三下二參天兩地圓而方左一右二陰陽

之象也其圓象規其重二鈞備氣物之數合侖有一千五百二十聲中黃鐘始於黃鐘而反覆焉若制器之 法者律

象也侖者躍動微氣而生物也合者合侖之量也夫量者踰於侖合於合於升聚於斗角於斛職在司農 也 清按堯典同律度量衡馬註律法也量衡即論語 律者十二律 自建子之月律中黃鐘為始黃鐘管長九寸徑

寸之百四丑月太族長八寸卯月夾族長七寸二千一百八十七分寸之千七十五辰月姑洗長七寸九分寸之一巳月中

呂長六寸萬九千六百八十三分寸之萬一千九百七十四午月蕤賓長六寸八十一分寸之二十六未月林鍾長六寸申

月夷則長五寸七百二十九分寸之四百五十一酉月南呂長五寸三分寸之一戌月蕤射長四寸六千五百六十一分寸

之六千五百二十四亥月應鐘長四寸二十七分寸之二十律者候氣之管以銅為之或竹為之中者應也陰陽之氣距地

面各有淺深故律之長短如其數律管入地以候 以黃鐘為萬物之根本 章昭曰黃鐘十一月之律乾初九也

灰實其端其月氣至則灰飛而管通是氣之應也 陰之應也陽始於子故 聲之所出也 五聲宮商 聲正而後數可明數明而後萬物可正 漢

黃鐘為萬物之根本 角徵羽也 聲之所出也 五聲宮商 聲正而後數可明數明而後萬物可正 漢

律歷志引書同律度量衡及論語此文又云元始中董和劉歆等書之數詳一曰備數二曰和聲三曰審度四曰嘉量五曰權衡數者一十百千萬也所以算無事物而性命之理也逸周書曰先其算命本起於黃鐘之數始於一而三之三三積之歷十二辰之數十有七萬七千一百四十七而五數備矣其算法用竹徑一分長六寸二百七十一枚而成六氣為一風徑象乾律黃鐘之一而長象坤呂林鐘之長紀於一協於十長於百大於千而累於萬也聲者宮商角徵羽所以作樂也中於宮濁於角社於徵章於商宇於羽故曰聲為宮紀也清按虞書及論語均不及數蓋男子七歲教之數與方名不待詳審也 度者分寸尺丈引也 律歷志曰本起黃鐘之長

廣度之九十分黃鐘之長一為一分十分為寸十寸為尺十尺為丈十丈為引而五度審矣其法用銅高一寸廣二寸長一丈而分寸丈尺存焉分者自三微而成者可分也寸者寸也六者極也丈者張也引者倍也別於分寸至於尺張於丈倍於引廷 權量度皆起黃鐘之律 律歷志曰惟歷生律制器規圓矩方權量衡平準繩高景陳曠崇隱向深尉察之者也 權量度皆起於律也清按以律審度則以兩黍九十度黃鐘之長以定分寸尺丈引而五度審矣以律審量則以兩黍千有二百以定合升斗斛而五量審矣以律審權衡則以黃鐘一合千二百黍之重以分銖兩斤鈞石而五權審矣故

皆起 而律自為聲樂故以四者並言也官不舉職謂之廢殷紂無道其臣多隱遁黃鐘 清按如微子遜荒野箕子伴狂為奴太師疵少師穢抱樂器奔周之類故 或不備官或在官者非其人 兼仲舒對策有曰至於殷紂殺賢賢守職之人皆奔走逃亡入於河海 故武王起而修之 包慎言曰權所以稱物平施也職在大行鴻臚掌之故所以量多少也職在太官大司農掌之度所以度長短也職在內官廷尉掌之劉若冕曰聲所以作樂職在太樂太常掌之修廢官者

修此教育清按此可 備一說而不必從 凡此謹之審之修之者皆政也紂失之而不行武王扶衰救弊始行之而達於四方也國以爵土言滅者無罪而被滅也 清按如有罪被滅者亦與之 則文王不必裁黎伐崇矣 世以世

系言絕者其嗣乏絕也興者復立其後也繼者擇旁支以為之後也 詩文王正誨引五經正義云國謂諸

侯也世謂卿大夫也金曰興者於有子孫而失其爵土者立其本支也繼者於有爵土而無子孫者立其旁支也清彼世可兼諸侯卿大夫言父傳子子傳孫之世系也不必專指卿大夫金說可從封黃帝堯舜夏

商之後見樂記 樂記武王克殷及商未及下車而封黃帝之後於副封帝堯之位於祝封帝舜之後於陳下車而封及后氏之後於杞投於之後於宋清按漢武庚而封微子則與滅絕兼有之逸民

除箕子商容外其不顯不賓者多矣舉者舉而用之 史記云維天建殷其登名民三百六十夫不顯亦不賓滅以至今我未定天保何暇

蘇按武王崩後周公攝政尚一沐而後髮者三一飯而吐哺者三也逸民之不顯不賓者多矣民食喪祭之重三禮略可攷見 實民如周官司民之職三年大比則以萬民之數昭司寇

及孟冬祀天之司民之星其日獻民獻於王王拜受之管於天府與大比與實德之書同禮之此國家重民之政也重食如周禮地官之屬有司祿之官其所掌雖逸然天府職曰若祭天之司民可祿而獻民數穀數則受而祿之是所掌與司民略

同也况食人與人禮與其所掌亦莫非為民食計乎重與如五服之等九族之列上較下殺秀殺之分正服與服從服之異是也重祭如約神符蒸之禮深獻酬酢之節是也寬信敏公蓋孔子之言

記者引以終此章之義正以見孔子之道承二帝三王之統也 前篇子張問仁於孔子孔子曰能行五者於天下為

仁矣其言多恭則不侮惠則足以使人二句無公則說一句蓋謂以為原在子張章而此為脫亂不盡之文清按既為脫亂不盡何以又多公則說一句此當是孔子言致治之道記者於堯舜禹湯後序周事又序孔子之言於後正以見孔子之

道承二帝三王之統也論語記此章於篇末蓋後序之例猶孟子終篇歷叙堯舜禹湯文王孔子之意也 古論語二十一章分堯曰下章子張問則為一篇蓋論語自微子篇起夫子之身已歷面子張篇後記弟子之言則堯曰篇蓋後序之例矣不惟與孟子終篇對則周易序卦在子天下篇莫非此例又史漢叙傳及秦

子之意也 古論語二十一章分堯曰下章子張問則為一篇蓋論語自微子篇起夫子之身已歷面子張篇後記弟子之言則堯曰篇蓋後序之例矣不惟與孟子終篇對則周易序卦在子天下篇莫非此例又史漢叙傳及秦

漢子史之可證者尤夥于愛國以下則為一篇蓋書成後則為續編故又居後序之後此蓋謂之說也劉恭冕駁之以謂論
蓋非出一人此序誰作又謂蓋伯篇末亦論堯舜文武禹亦後序乎云云情按論語固非出一人然當合篇以成一書之
時非經一人之手必由羣弟子齊萃同為編訂此序雖不知出何人然既非孔子所言又非門人之語自應推禹湯至武王
之事而終以孔子之言其次序有條不紊則其為全書後序而非於編訂時記者所作實無疑義蓋氏引孟子周易莊子及
史漢各後序為設其說可從也清按堯舜命辭曰四海困窮天祿永終是所重在民生也湯之萬方有

罪罪在朕躬武之百姓有過在予一人是以一身為民人負責任也孔子繼羣聖

之後曰得衆曰民任曰民悅

以何安
集解本

是注重民權也然則自堯舜禹湯文武以至

孔子皆以民為立國之本矣况孔子以匹夫而直接帝王之道統是三代以上道

在君相三代以下道已在民孟子亦有民為重君為輕之語惜繼世無發明之者

秦漢以後遂趨於極端之專制政體耳

子張問於孔子曰何如斯可以從政矣子曰尊五美屏四惡斯可
以從政矣孔曰屏除也子張曰何謂五美子曰君子惠而不費勞而
不怨欲而不貪泰而不驕威而不猛子張曰何謂惠而不費子曰

因民之所利而利之斯不亦惠而不費乎 王曰利民在政無費於財也按

此即今日民生主義

擇可勞而勞之又誰怨欲仁而得仁又焉貪君子無衆寡無

小大無敢慢斯不亦泰而不驕乎 孔曰言君子不以寡小而慢之清按此即今日平等主義

君子正其衣冠尊其瞻視儼然人望而畏之斯不亦威而不猛乎

子張曰何謂四惡子曰不教而殺謂之虐不戒視成謂之暴 馬曰

不宿戒而責目前成爲視成也慢令致期謂之賊 孔曰與民無信而虛剋期也

猶之與人也出內之吝謂之有司 孔曰謂財物也俱當與人而吝吝於出內

惜難之此有司之任耳非人君之道也皇疏此章第二明孔子關於堯舜謙德之義也

朱註子張至虐謂殘酷不仁暴謂急遽無漸致期刻期也賊者切害之意緩於前而急

於後以誤其民而必刑之是賊害之也猶之猶言均之也均之以物與人而於出內

之際乃或吝而不果則是有司之事而非爲政之體所與雖多人亦不懷其惠矣

愚按古論語分此自爲一章蓋續編之例也

請按舊今人詩文義之補遺也

遂其生之人矣

八家則井守望相助以養以教養老慈幼辨九餘三吹竽飲餼以及任土作貢服勞授時皆是也

人矣

如辨其夫家職其賦役公旬三日微役無過家一人老幼孤獨廢疾則施之是也

矣衆寡小大無敢慢恭以接人也衣冠瞻視儼然可畏莊以臨人也從政之道備

此五者故皆爲美虐暴賊刑之失也吝賞之失也皆足害政故曰惡

子曰不知命無以爲君子也

孔曰命謂窮達之分也

不知言無以知人也

馬曰聽言則別其是非也鄭曰魯論無此章今從古

明若不知命無以爲君子所以更明孔子知命故不爲政也

朱註子曰至程子曰知命者知有命而信之也人不知命則見害必避見利必趨何以

爲君子不知禮不知禮則耳目無所加手足無所措不知言至言之得失可以知人之邪

正

愚按此蓋鄭氏攷驗古論取補魯論之闕者亦續編之例也

論語稽

堯曰稽第二十終

後學黃岡高鸞翔松軒校字

論語稽後序

論語者聖賢言論之語

漢書文志論語者孔子應答弟子時人及弟子相與者而接聞於夫子之語也

而記者記之也

絕弟子恐難居已後各生異見而棄言永滅故相與論撰因探時賢及古明王之

語合成一法謂之論語柳宗元曰孔子弟子曾參最少又老而死是書記曾子之死則去孔子遠當時弟子諸無存者矣曾子弟

子為之也程子以為成於有子之門人洪邁謂亦出於閔子之門人以二子皆稱子故也朱子曰蓋問一篇疑蓋所自記閔者喚引

魏華父曰門人之於孔子進而稱子不敢氏退而謂仲尼不言子其大有既子且字者如閔子稱等不一二人或字或子者又數人

如淵弓游夏曾參門高弟字而不字有子曾子子而不字且孝經字仲尼而子曾子子思字其祖孟子字其師之祖則字不異於子

也安必曾有閔稱子遂為其門人授之乎張元珩曰論語為何人所集不可考然書中無此字凡應用此字皆以斯字代之得世託

低於其放乎又戴記檀弓上下篇亦有斯字無此字有子曾子亦稱子疑集論語者即集檀弓之人也書各記所聞篇意各有所主

且以言學為一書之首以告子張五至四墨黜叙帝王之後為一書之結列鄉黨為第十均疏布密得體然獨於孔子委吏桑田中

都宰司空司寇諸事不一涉筆所記事與言又多不詳其緣起為可怪也蓋枚曰論語叙事筆法下論不如上論朴老上論遠千乘

之國弟子入則孝兩章皆直起直落下論言仁則曰能行五者於天下言政則曰尊五美屏四惡他如九思三戒三損三益三

烈者先加禮賢治按論語一書大抵孔門再傳諸弟子所記不必盡求為何人書中不惟曾有閔稱子冉有亦有時稱子上下論叙

事之文固異即下論亦與檀弓之文異記非一人筆非一手無庸
其本有二曰古
漢魯共王欲道孔子宅為宮殿中得古
文論語孔叢子以為孔叢所藏家語以
傳會至於全書體例祇記言貌耶動故不涉及事實何疑之有

為孔叢所藏今文書序以為孔叢所藏未
知孰是其本分矣曰下子張問以為一篇
曰齊
齊人所傳曰齊論多問王知道二篇如淳曰問王知道皆篇名鬼公武謂是
內魯外王之學此傳會也曹之升曰論語篇名皆就章首字義名篇非包括全
章之義今論語見說文者云玉榮之盛今其璞猛也如玉之榮見初學記者云攝瑋魯之寶玉也孔子曰美哉璵璠遠而望之煥
若也近而視之瑟若也一則璵璠一則字勝又初學記及太平御覽引論語玉十節之區治玉謂之琢又爾之廉珉玉色鮮白也

玉色也珠玉光也瑕赤玉也瑕瑾瑜美玉也璣三采玉也玲瓏瑣瑣玉也璣也璣充耳也璣玉飾以水藻也凡於玉之屬特詳疑存論所遺其一乃問玉非問玉也蓋文三委均正為王中畫近上為玉王伯厚亦云然情按此可備一說 曰

魯 魯人所傳 **漢孔安國訓解古論** 世不傳依何晏序為訓解魯序 **馬融亦說之** 何晏序馬融為古論訓說皇侃叙之

魯 魯人所傳 **張禹** 字子文河內緜人漢成帝時為丞相封安昌侯 **學魯論兼講齊說** 齊論自昌邑封王吉少府宋時瑯琊王輝御史大夫賈禹尚書令五鹿充宗東萊生傳之而王闢名家張禹受魯

句魯論 魯論自常山尉魏晉長信少府夏侯勝丞相京賈及其子女成魯扶柳太子少傅夏侯建前將軍留望之并傳之各自名家至包氏周氏乃為章句先子云自漢已有章句之學不始朱子章句者分章明句非註也 **自鄭**

氏立就魯論篇章 魯論二 **攷驗齊古** 齊論加周王知道二篇凡二十二篇中章句亦多於魯論古論分卷曰下子張問為一篇有兩子張凡二十一其篇次鄭黨第二篇也

是齊古微而魯論獨著於世 今所行朱子集註本即魯論也 **魏何晏取已上諸家及陳羣王肅周生烈之**

說 陳羣王肅周生烈皆為義說見皇侃義疏序 **并下己意為集解** 何氏集解凡十卷 **梁皇侃因何本兼採江熙** 字太和 **所集** 江熙

說 十二卷所集者太保河東陶璜字伯玉中書令顯陵侯播字宜則廣陵太守高平梁紇字永初黃門郎瑒字元可徒濟陽蔡謨字道明江夏太守陳國袁宏字叔茂著作郎濟陽江惇字思俊後魏軍長史蔡厚字子叔中書郎江夏李充字宏度廷尉太原孫

說 字與公散騎常侍陳留周熲字道茂中書令顯陽范滂字武子中書令應瑒王琰字季英凡十三家皆晉人其家秩可致者盧瑒註八卷宋明帝補其缺二卷李充集註十卷孫綽集註十卷裴播論語首序三卷蔡謨釋疑十卷論語駁三卷郭象論語駁二卷

說 字與公散騎常侍陳留周熲字道茂中書令顯陽范滂字武子中書令應瑒王琰字季英凡十三家皆晉人其家秩可致者盧瑒註八卷宋明帝補其缺二卷李充集註十卷孫綽集註十卷裴播論語首序三卷蔡謨釋疑十卷論語駁三卷郭象論語駁二卷

說 字與公散騎常侍陳留周熲字道茂中書令顯陽范滂字武子中書令應瑒王琰字季英凡十三家皆晉人其家秩可致者盧瑒註八卷宋明帝補其缺二卷李充集註十卷孫綽集註十卷裴播論語首序三卷蔡謨釋疑十卷論語駁三卷郭象論語駁二卷

說 字與公散騎常侍陳留周熲字道茂中書令顯陽范滂字武子中書令應瑒王琰字季英凡十三家皆晉人其家秩可致者盧瑒註八卷宋明帝補其缺二卷李充集註十卷孫綽集註十卷裴播論語首序三卷蔡謨釋疑十卷論語駁三卷郭象論語駁二卷

說 字與公散騎常侍陳留周熲字道茂中書令顯陽范滂字武子中書令應瑒王琰字季英凡十三家皆晉人其家秩可致者盧瑒註八卷宋明帝補其缺二卷李充集註十卷孫綽集註十卷裴播論語首序三卷蔡謨釋疑十卷論語駁三卷郭象論語駁二卷

為義疏

皇氏論語義疏凡十卷

宋邢昺又本皇氏而別疏之

邢氏論語正義凡十卷今十三經所收論語註疏本是也

今所行古註蓋此

疏解本矣

以上諸家皆著行於世

自餘兩晉

又有戴逵常侍巴西西國字允南註十卷與書左兵中郎惠潤嚴衍字正無註十卷

六朝

有朱新安太守會稽孔殷之字仲淵唐註十卷齊員外郎會稽虞翻註十卷

博士天水梁景註十卷晉劉史湖西浦侯陳圖袁喬字彥叔註十卷尹敷

宋

陳道詳論語全解十卷鄭汝諧論語疏十五卷又陸德明論語音義釋文十卷餘人見通志

論語十卷

宋之際

宋康輅論語拾遺一卷陳道詳論語全解十卷鄭汝諧論語疏十五卷又陸德明論語音義釋文十卷餘人見通志

德秀遺書補成四書集編論語十卷趙順孫四書纂疏二十六卷以上諸家均四庫所收

治者猶衆義類亦繁

鄭志

我文畧論語類記分爲十一部古論語二部鄭玄古論語十卷已見上又有徐氏古論語義註帶一卷正經一部蔡邕今文石經二卷註解十九部鄭玄論語十卷韓愈論語十卷及王肅李充袁喬尹敷何晏衛瓘江熙戴氏孫斌并已見上又有盧氏論語七卷崔

豹論語集義八卷梁觀論語十卷孟盈論語九卷張氏論語十卷史時原續註論語十卷虞與贊鄭玄註十卷宋明帝補衛瓘註十卷章句二部劉炫論語章句二十卷徐克孝論語講疏文句義五卷義疏十二卷皇侃邢昺及崔豹義解十卷已見上又有范廣論

義十三卷○別稱十卷○論語展季疏十卷論語十四部釋楊粲及韓愈章解二卷并已見上又有○論語難鄭一卷可

馬氏論語深旨一卷○論語釋疑一卷○論語元義二卷辨疑二部李浩論語刊誤二卷周式論語辨十卷名氏三都鄭玄論

語孔子弟子目錄一卷○論語撰人名一卷○論語世圖一卷書釋二部徐廣論語昔二卷○論語釋文十一卷疏緯一部

卷梁武帝孔子正言二十卷王勃次論語十卷內江照集解十卷衛瓘註八卷崔豹論語集義八卷又論語大義解十卷其卷秩均與陸德明所叙異

五

後

一

維新印書館刊印

獨朱子以論語合學庸孟子四書

為集註乃集千古之大成自是以後學者治四書而論語在其中矣亦有單治論語者然寥寥無幾名氏均見下元明以來未之或過元有劉因四書集義精要

二十八卷無名氏四書辨疑十五卷中有論語一百七十三條并論四書章句說四卷胡炳文四書通二十六卷張存中四書通歷六卷袁俊四書疑節十二卷王充耘四書疑義通八卷唐道四書疑義二十八卷朱公選四書通旨六卷史伯瞻四書管窺八卷明

有胡廣等四書大全三十六卷蔡清四書要引十五卷呂聘四書問六卷陳士元論語數攷二十卷周宗建論語商二卷劉宗周論語學案十卷卓世純四書留宿六卷以上皆四庫所收其餘又有郝敬論語詳解周洪謨疑辨論語等書

世則又數十餘家矣孫奇逢四書近旨二十卷陸隴其四書困勉錄三十七卷李光地論語割記二卷毛奇齡論語精求編四卷四書原旨四卷補二卷閻若璩四書釋地一卷顧一尊又編二卷三續二卷楊名時

四書割記四卷熊彥謙四書說九卷江永鄭黨風攷十卷程大中四書逸義六卷以上皆四庫所收其餘有汪份四書大全毛奇齡四書索解又四書改錯謝元珩四書客難陳宏謀四書人物聚攷餘坊論語後錄趙佑四書置放錄陳啟論語古制霍澗四書攷異

江聲論語疾賢任啓運四書約旨周鼎中四書典故辨正劉逢祿論語述何莊述祖論語別記吳昌宗四書經註朱証曹之升四書無餘說凌曙四書典故周爾儉四書釋疑賈式三論語後案金澂四書味根錄沈祖燕四書台編大成朱亦棟論語札記劉寶楠

及其子恭詒論語正義杜炳四書圖攷清緯城論語古註朱彥列古拱論語明枝

實啟宋儒彙簡宋儒長義理而攷據多沿漢儒謬誤近代攷據之學極盛其於經傳之

文子史百家之說六書之詁訓旁搜博採一字異聞摺據無遺匡謬正譌之功匪獨宋

儒諍臣抑亦漢儒跨躡子也然厥敝有二一曲牽強引證成已說一諸說紛列茫無裁

斷且自謂漢學而所瑕疵朱註義理什不一二攷據什常四五別流尋源實倒戈漢儒

罅隙也夫古人缺失甚夥後賢匡救道衷一是經旨自明抨擊睡譏寧君子者儒乎先

子贖之乃因朱註所失反求古訓即皇侃邢昺所疏何晏集解本也旁攬諸家之說凡所探古今治論諸家四書家并己見上其非專治論語四書而探

入者如陸元明經義釋文孔穎達五經正義賈公彥三禮疏洪遵容齋隨筆王應麟困學紀聞陳善人益新語王文成公集張登千
百年腰圖林高峇秋大車表惠棟九經古義顧炎武日知錄朱彝尊臨海亭集江永寧經補義金榜禮說全祖望經史答
問何焯義門讀書記邵晉涵爾雅正義武億羣經證義袁枚小倉山房文集錢大昕養新錄及潛研堂集孫
壁文發新錄臧庸拜經日記阮元研經室集陳澧禮記集說吳英詞句說孔廣森經學危言汪中述學等書無適無莫惟義

是從義有未悉合者或下己意積再期遂成此編惟是草創伊始志事未竟討論修飾

責在小子亦越三載而繼述之功乃蕪憫予小子學殖荒落擇焉不精語焉不詳其曷

能告無罪於先子要其無門戶漢宋之見無厚薄古今之心則世有知言君子庶幾亮

之矣先緒乙未春正月朔旦男應清謹識時在安順旅邸民國二年四月十五日即癸丑三月初九日改刊

先子行狀

先子諱懋庸字伯銘號莘齋別號碧山野史先世本夔氏亦作曩晉有中郎將曩濟宋有仁宗時狀元曩谷珍朱子門人曩淵元時改曩爲宦明有江陰進士官績然譜牒失紀故新訂譜斷自定益公爲始祖而上溯始祖所自出則惟成坤公成坤公居蜀江津其遷江津也代遠年湮無可攷見第相傳來自湖北麻城云定益公爲成坤公次子清初遷遵義居城北二十里屏鳳山莊再傳爲二世祖奇遇公邑諸生初曩雖改宦間仍從曩至公始專氏宦三傳爲先太高祖憲菴公諱儒章乾隆丁卯舉人壬申恩科進士卽用廣西瀘陽崇善知縣內遷禮部太常博士轉吏部考功司主事出知湖南桂陽直隸州兩權永州府事在瀘陽禁奸民採礦在崇善除柴馬田例建崇山書院在桂陽建鹿峯書院在永州興修學宮所至因利去弊人稱神明具載府志四傳爲先高祖允升公諱大猷廩貢生始修祠譜五傳爲先曾祖衡園公諱廷銓嘉慶辛酉拔貢戊辰恩科舉人授印江縣教諭薦升河南輝縣未之任卒在印江歲饑捐金賑民又大疫捐棺施

民並載府志公無子以先本生曾祖廷臣公子爲嗣是爲先大父子蕃公諱必濟子蕃公以廩膳生五試不售憤棄出遊時先子裁七齡耳先子以道光壬寅十一月十四日巳時生己酉先大父東遊江淮遂不返咸豐乙卯先大母劉孺人卒惟先生祖母潘孺人在堂丁巳我母來歸家自衡園公印江賑施先已中落及子蕃公屢年困頓日益匱窘遭時喪亂楊龍喜暨苗土等匪迭肆陵擾氓庶半不自存先子雖幼弱上事潘孺人下撫先五姑采霞支持艱苦有過成人同治丙寅先子年二十五先是有祖姑適李白初進士以產卒子蕃公教養其遺孤成立卽煦齋表伯和也至是以乙未舉人官浙江知縣遺資來迎先子遂奉潘孺人挈眷往道茶江先五姑以前年傷賊刃創失血死過重慶亡弟繼宗殤潘孺人悲女哭孫至江寧而病就醫六合遂不起先子營葬畢僅得至浙煦齋表伯歷任遂安江山桐鄉先子皆讀書署中光緒乙亥表伯卒昌化任先子走通州上海爲莫善徵先生非課讀戊寅命母侍母回黔已卯先子以子蕃公潘孺人歸葬是冬復之館甲申善徵先生再任上海延先子佐其幕戊子移寓太倉得

腹張疾旋愈己丑移寓維揚庚寅命應清東下代經營未完事乃東裝歸辛卯秋疾復
 作壬辰春應清南中得書具言已愈蓋權辭慰遊子心而疾固時愈時作也秋九月忽
 增咯血彌留及十月初十日時加午竟棄不幸應清等而長逝矣享年五十嗚呼可勝痛
 哉應清以十二月十六日聞訃十八日匍匐奔喪癸巳二月二十六日回籍卜三月十
 八日安厝於屏鳳山故莊之南廖家堡配龍孺人妻沈氏子應清廩膳生應清業儒女
 三長適邑庠生劉道誥次適劉三適何孫九人途途況游 遠成鄉皆應清出應清皆應清出途況游先 曾早死
 子幼不及事先大父其事劉孺人潘孺人各得歡心潘孺人病利金陵裙襖數穢先子
 日至秦淮河手浣之孺人卒哀毀骨立後七年壬申客上海將市裘感念昔時殮服薄
 輒泣泣不忍撫先五姑極友愛五姑死賊傷句譚序初先生均培奏旌貞烈自允升公
 創建祠譜屢毀兵燹先子積薪俸命應清修復又倡捐田產為祭祀資生計固未裕不
 恤也族伯汝梅應清甲戌成進士即用山西知縣將改浙江謀之先子先子時在煦齋
 表伯所無一錢貸之友人不足復興典衣助之族有疏遠者昔以力佐先子其子貧不能

娶先子爲買婦延其嗣煦齋表伯卒家人緇生活先子以時助濟之忠州詩人李芋仙
士客死無歸先子爲棺殮費百餘金其子來獻所藏古名人書畫先子固好此獨固
拒不取先子少值亂離未就小試以國學生七試不售壬午京兆僅選謄錄棄去不就
不克致力國事在煦齋表伯遂安署齋匪童正元黨楊青元妖惑聚衆至二千餘人城
幾危先子赴其近村相機宜中道與人遁步而往重賞購勇士計繫斬青元傳首示其
衆脅從乃散幕上海值中法有事先子憂海戰不足恃嘗作菊蕘末譏登之滬報謂海
軍宜奉直東爲一鎮長江爲一鎮廣東爲一鎮閩浙爲一鎮總以經略聯爲一氣避敵
船之合而擊其分云云先子暮齡卽向學家有藏書庋高檳梯登繙閱忘出家人覓午
餐不得久乃得之櫝中及遨遊浙東西江南北聚書萬餘卷悉閱讀數過所丹黃點評
者什三四辛卯鄉闈吾鄉人十見對策不藉書卷皆大驚服初潘孺人憂先子學未成
又貧無以具脩脯命從鄭子尹徵君珍徵君嘗避亂吾家且先長姑適其子伯庚如同
又姻也以謂必得當及往乃不果留嘗從莫善徵先生楊子英先生登杰黎篠庭先生

及至浙從孫琴西先生去書經海南吳閻章先生在京師從李菱舟先生編南而煦齋表伯復親爲指授後在上海所交如李文萃仙巖丈雋雲皆皆當代知名士先子早年好爲詩歌二十以後專習帖括三十乃多爲古文詞嘗謂文境莫要於藏鋒莫妙於廻鋒無是二者則低昂者媚詰屈者鄙簡鍊者窘澁曼者擴皆不熟稔也又謂今文有二僞一目錄之學一章句之學皆無米糲也其爲文根柢史漢而又下探韓歐宗旨近參方姚家法他如惲子居樊定菴胡稚威汪谷甫吳南屏曾文正諸家皆有心得然猶恐流於委瑣乃一意涉獵許鄭之學以濬其源孜孜矻矻母慮風塵鞅掌牀膝纏綿曾無一日休息所著有六書略平議八卷說文疑證編二卷古文四卷雜體詩七卷詩餘一卷讀史記稗言四卷讀前漢書私記六卷備忘錄八卷兩論蠡測二卷紀程四卷播變紀略一卷惟大藏經音義引說文攷僅得十之三未成書晚年以朱子集註尊者毀者皆出過當思有以匡其失而成其美著論語稽二十卷并冠以孔子世家稽一卷蓋取漢宋以來暨國朝諸家箋註說集其善理采其長如言學則詩書及畢生切

身之用皆是言道則從從首乃人生當行之路言孝則義在以子承老非稱美之名
言仁則仁者人也人傍着二謂之仁如果之有仁其萌芽二辨乃生生不息之理其他
間出新意要期吻合經文不故爲矜奇炫異應請謹守遺編管抄呈黎尊齋先生庶昌
校正鑒定并蒙代刊詩文播變等集行世先子與人交坦直無所緣飾不逆人詐以是
屢受紿然亦不屑與較平日不矯世立名不務細微不留意衣食美惡不惑二氏仙佛
鬼神之事不信形術家言遊州縣署數十年不干詞訟取人一錢應請侍膝下日少凡
此僅具崖略所不知者不敢妄述僥蒙當代名卿碩彥錫以碑傳誌記增輝泉壤則存
歿均感矣另屬請謹述

右行狀爲

應請

癸巳年撰述甲午刊入

先子詩文集茲復略爲增易附論語稽後

民國二年正月二日另屬請謹識

論語稽校勘記

上論

篇名 頁數 行數 雙行小註以一行計正

絳例 一 二 則續刊或重刊者也

世家種 一 五 故清殿部則例

學而 一 十三 樂取義於樂之和

四 十 且即其書論之

十四 且以周禮考之

九 二十 有違語有違德者也正謂問事是非也

九 二十一 誅少正

爲政 一 二 天子八份

九 六 而使他人獲之

十 十 踐官則六卿

十一 十一 昏禮或迎於庭

十一 四 蘇季宣問政釋疑

五 天子歸侯卿大夫

勘誤

錯誤絳

滿清字

錯誤義

且字下一畫不明

且字下一畫不明

也字下正字上誤多朱字

少正誤作正少

天字上一畫不明

緘誤備

官字不明

昏誤魯

季字誤在禮字下

卿誤鄭

六 卿大夫士采蘋采芣

七 又按保氏養國子以道

十三 皆不受之天子故天子亦只以客禮待之

十四 各以其土所宜之本

十六 東社檀柏

十七 虛其心力

十八 清按

公治 八 枵作坊

六 三 不可以一理字混之者也

八 再娶其女

適也 五 孔子亦符為季氏史

一 四 子曰至老彭

述而 七 亦必象契定九州之形

一 亡而至有恒矣

十二 四 疑此章有錯簡

十三 十二 子疾至久矣

子罕 七 魯續奔為魏今從古

鄉黨 十九 六 則非矣

卿誤鄉

按誤接

子字客字均不明

宜字不明

柏誤柏

說字誤橫

按誤接

枵誤枵

字誤字

妻誤妻

史誤史

子誤子

九誤尤

而至誤作至而

疑誤接

矣誤也

續字下今字上誤多驚字

則字下誤多說字

下論

篇名 頁數 行數雙行小註以一行計 正

先達 五 十八

橫罕而條小

轉字不明

十二 六

厥窮救乏之事也

厥誤

顏淵 五 八

曾指戰器

器字誤橫

六 二十二

其必言邦國亦非也

邦國誤作國邦

憲問 二十五 五

高宗天子也

子字誤倒

陽貨 五 二十

佛胥播而止之

胥誤俗

六 二十二

狍瓜瓠之堅強者

堅強誤苦

七 六

如動物之胃然

胃誤胃

六

又非洲馬打加斯加島有樹一幹既生八葉下葉每葉相距約三尺許內多鈎刺且有長條毛如巨指堅硬而動搖不止人近樹則長條捲之血肉漸被吸盡惟餘枯骨名曰食人樹旅行者常以斧伐去之以除其害

或以小片牛肉投之亦被食

句下又謂尚有他種植物

句上漏此段又他種植物

亦誤作他種植物

亦誤作他種植物

博作穉

穉字不明

十四 六

翻一魚獲三壽

獲字不明

八

翻一魚獲三壽

獲字不明

後叙

一 十四

廖東庸生

羅漢經

二十一

撫軍長史蔡系

系漢厚

二十二

陳伯周瓊

瓊漢瓊

五

均濟四庫全書所收

漢滿清字全書字

行狀

二 五

歲貢生

歲貢漢漢

附則

- 一 諱名陋習今已破除矧有清廟諱復何所避唯改革之初印刷部校字尙未改鑄如玄燁胤胤弘曆顯漢其家許淳樞儀等字并其附屬如率駐炫字貯竹恬等字或有缺筆或有他字代者均俟再版時改正之
- 一 應清欲合今日共和之理於言君各章多以應清之說附先子後再版時宜移後另行再下一格
- 一 遺世離亂是書三易印刷部僅得肅事班認誤知必對影俟後續勘再行更正